

জামাই-বারিক ।

প্রহসন ।

রেফারেন্স (আকর) গ্রন্থ

রায় দিনবন্ধু মিত্র বাহাদুর

প্রণীত ।

"Of all the blessings on earth the best is a good wife;
A bad one is the bitterest curse of human life."

পঞ্চম সংস্করণ ।

চারুচন্দ্র মিত্র, প্রভৃতি গ্রন্থকারের পুত্রগণ কর্তৃক

৩ নং মদন মিত্রের লেন হইতে প্রকাশিত ।

(শ্রীচারুচন্দ্র মিত্র অথবা শরৎচন্দ্র মিত্রের স্বাক্ষর তির্যক্‌রূপে এই পুস্তক
নইবেন না ।)

কলিকাতা

বি, সি বহু কোম্পানী কর্তৃক বহুবার ১৯৩০-১ নং ভবনে
বহু প্রেসে মুদ্রিত ।

সং ১২৮৯ ।

7-206
Acc 20309
20/2/2005

উৎসর্গ ।



সদগুণরাশি

শ্রীযুক্ত বাবু রাসবিহারী বসু

সদুদারচরিতেষু

ভ্রাতৃশ্নেহভাজন রাসবিহারি,

তুমি যে যে প্রদেশে অবস্থান করিয়াছ, সকলেরি অল্প অল্প বৃত্তান্ত তোমার লিপিসমূহে প্রাপ্ত হইয়াছি। সেগুলি এমনি মধুর, একবার পাঠ করিলেই কণ্ঠস্থ হইয়া যায়। যদিও আমি অনেক স্থানে ভ্রমণ করিয়াছি, তোমাকে কিন্তু কখন কোন স্থানের ইতিবৃত্ত দিই নাই;—ইতিবৃত্ত দূরে থাক, তোমার সমুদায় লিপির উত্তর দিয়াছি কি না সন্দেহ। বহুকালের পর তোমাকে একটা অপূর্ণ স্থানের ইতিবৃত্ত দিতে সক্ষম হইলাম; সে স্থানের নাম “জামাই-বারিক” ইতি

অভিমন্যুদয়

শ্রীদীনবন্ধু মিত্র ।

নাট্যোল্লিখিত ব্যক্তিগণ ।

পুরুষগণ ।

বিজয়বল্লভ, জমিদার ।

অভয়কুমার, বিজয়বল্লভের জামাতা ।

পদ্মলোচন, অভয়কুমারের প্রতিবেশী ।

মাধব বৈরাগী, আশ্রমধারী বৈষ্ণব ।

পারিষদগণ, ঘটক, চোর, জামাইগণ ।

নারীগণ ।

কামিনী, বিজয়বল্লভের কন্যা এবং অভয়কুমারের স্ত্রী ।

ভবী ময়রাণী, কামিনীর প্রতিবেশিনী ।

হাবার মা, }
পাঁচি } বিজয়বল্লভের পরিচারিকাঘর ।

বগলা, }
বিদ্বাসিনী } পদ্মলোচনের স্ত্রীঘর ।

দাসীগণ, বৈষ্ণবীগণ ।

জামাই-বারিক।

প্রহসন।

প্রথম অঙ্ক।

প্রথম গর্ভাঙ্ক।

কেশবপুর—বিজয়বল্লভের বৈটকখানা।

বিজয়বল্লভ, ঘটক এবং পারিষদ-চতুষ্টয়ের প্রবেশ।

বিজ। (গদিতে উপবেশনানন্তর) তবে ও সখক ছেড়ে দিতে হগ।

ঘট। এমন পাত্র কিছ আদ্যরস না; দেখতে কার্তিকটা, দেখা-
পড়ায় যত দূর ভাগ্য হতে হয়, বয়স কম বলে এ বাগে এনটান্দ পাশ
। করতে দ্যাগ্ন নি।

প্র, পারি। প্রতিবন্ধকতা কি?

বিজ। আমি আদ্যরস কত্তে চাই,—একটা কুলীনের মেয়ের সঙ্গে
ছেলেটির বিয়ে দিয়ে তার পরে পৌত্রীটা সম্প্রদান করি; তা ছেলেটা ঘর
বিয়ে কত্তে চায় না।

ঘি, পারি। ছেলের বাপের মত কি?

বিজ। এ কালে ছেলে কি বাপকে মানে? বাপের মিতাঙ্ক ইচ্ছা
আমার সঙ্গে এ ক্রিয়া করেন; কিন্তু ছেলে বাপের নয়, কোন মতে ঘর
বিয়ে করতে স্বীকার হয় না।

ঘট। যে কাল কিছ হুঁড়ে, আদ্যরস প্রার উঠে গেল।—স্বাক্ষর
পূর্ব পূর্বের প্রথম ত্রী বাক্য লেখেনের গোটে বড় মানসের যেতেন সয়ে

তার আবার বিয়ে দিয়েচেন ; সে জন্তে কারো কাছে মুখ দেখাতে পারেন না ; ভদ্রসমাজে তাঁর হুকো বন্দ ।

ভূ, পারি । তিনি না কলেজ-আউট ?

ঘট । তা নইলে তাঁকে কে নিন্দে করত ? তাঁর বন্ধুরা বলে “রাম-কানাই এক কামড়ে তিনটা মাতা খেলে ।”

চ, পারি । কার কার ?

ঘট । পুত্রের, পুত্রের প্রথম স্ত্রীর, আর বড় মানুষের মেয়ের ।

বিজ । এ বংশে আদিরস ভিন্ন একটাও মেয়ের বিয়ে হয় নি আমি সুপাত্রের অনুরোধে কুলদ্বার হব ? ও সম্বন্ধ বিসর্জন দাও ।

ঘট । তবে জঙ্গলবেড়ের কুঁচিল বাবুর ছেলের সঙ্গেই সম্বন্ধ স্থিঃ করা যাক ।

বিজ । স্মতরাং ।

প্র, পারি । ছেলেটা কেমন ?

ঘট । কৃষ্ণবর্ণ কটা চুল ; কূপ বলে হয় ভুল

সুগোল গভীর আঁখিদ্বয় ;

কিবা শোভা নাসিকার, যেন কূর্ম-অবতার ;

কপোল-যুগল লোহময় ;

ঠোট হেরে সারে শোক, যেন দুটা মোটা জোক,

অবশ রুধির করে পান ;

অতি লম্বা পদ দুটা, যেন গরানের খুঁটা,

কেটে মাটা করে খান খান ;

বসনে বিষম আটা, কছু রজকের পাটা

আজন্ম করে নি পরশন ;

রাখাল-রাজের ভাব, কাটেন গরুর ভাব.

ধেনু লয়ে গোষ্ঠে গোচারণ ;

গেঁটে কল্কে হাতে নিয়ে, ঘুঁটের আগুন দিয়ে,
খর্সান তামাক সেজে খায় ;
লেখা পড়া হড়াপোড়া, কিন্তু কুলীনের গোড়া,
কুললক্ষ্মী অন্ধ করুণায় ।

বিজ। তুমি শিং ভেঙ্গে বাচুরের দলে মিশেচ, তাই কুলীনের ছেলের
এত নিন্দা কচ্চ ; ছেলেদের ইচ্ছা ভাল পাত্রটির সঙ্গে বিবাহ হয়, তুমি
তাদের সঙ্গে একমত হয়েচ ।

ঘট। আগার মতামত কি, আমাকে যেমন অনুমতি করবেন আমি
তেমনি করব ; তবে স্বরূপ-বর্ণনা না করলে আমাকে পরিণামে দোষ
দিতে পারেন ।

দ্বি, পারি। ছেলেটিকে জামাই-বারিকে এনে ফেলতে পারে পাঁচ দিনে
সংশোধন হবে ; আপনি জামাইদিগের উন্নতির অনেক উপায় করেছেন ।

পদ্মলোচনের প্রবেশ ।

বিজ। আস্তে আজ্ঞা হয় ।

পদ্ম। বস্তুতে আজ্ঞা হয় ।

বিজ। অভয়কুমার রাগ করে বাড়ী গিয়েচে, আমি তিন চার বার
লোক পাঠালেম, তা কোন মতেই এল না ; শুন্চি সে মহাশয়ের বড়
অনুগত ; আপনি অনুগ্রহ করে অভয়কে বুঝিয়ে এখানে পাঠিয়ে দেবেন ।

পদ্ম। সে জন্তে আপনাকে অধিক বলতে হবে না, আমি বাড়ী
গিয়েই অভয়কে পাঠিয়ে দেব ।

বিজ। আমি জামাইদের সেমন যত্ন করি, তা এঁরা শকলি জানেন ।
মভয় কিছু অভিমানী, একটু ক্রটি হলেই বাড়ী যায় । আমি অত্যন্ত
ময়েকে এক একটা জমিদারী লিখে দিইচি ।

ঘট। আপনি অঙ্গলবেড়ের কুঁচিল বাবুকে জানেন ?

পদ্ম। তিনি কুলীনচূড়ামণি ।

বিজ। তা পারি । তাঁর ব্যবসায় কি ?

পদ্ম । ছেলে মেয়ে বিক্রি করা । তাঁর সম্বানগুলিন খুব দরে বিক্রি হয় ; তাঁর পিলে-রোগা গন্না-কাটা কালপ্যাঁচা মেয়েটা দেড় হাজার টাকায় হাইষ্ট্র বিডারে বিক্রয় হয়েছে ।

চ, পারি । তাঁর ছেলেটা কেমন ?

পদ্ম । ভগ্নীর ভাই ।

চ, পারি । লেখা পড়ায় কেমন ?

পদ্ম । আমি তাকে এক দিন জিজ্ঞাসা করলেম “তোমরা কয় ভাই ?” সে বলে “তিন ভাই” ; আমি বলেম “কে কে ?” সে বলে “আমি, কালাকাকা, আর ভগ্নীপিসি ।” লেখা পড়ায় কেটে জোড়া দেন ।

বিজ । তোমরা আবার ও কথা তুলে কেন । পদ্মলোচন বাবু এসে-চেন, ওঁর সঙ্গে সদালাপ করা যাক ।

পদ্ম । আপনার এখানে সদালাপের শিবরাত্রি ।

বিজ । কেন মহাশয় ?

পদ্ম । আপনি যুবরাজ অঙ্গদের ছায় লাঙ্গুল পাকিয়ে উচ্চ গদি প্রস্তুত করে উপরে বসে রইলেন, আর আমি নলডেঙ্গার নায়েবের মত নীচের বসে নিকেস দিচ্ছি ।

প্র, পারি । আপনি ক্রোরপতি ভূস্বামীকে এমন কথা বলেন ?

পদ্ম । আমি ত আপনার মত ভাঁড় হাতে করে আসি নি যে উচিত কথা বলতে সঙ্কচিত হব ।

প্র, পারি । জমিদারদিগের উচ্চ আসন পরমেশ্বর-দত্ত ।

পদ্ম । আঞ্জে না, আপনার ভুল হচ্ছে ; কার দত্ত আপনি জানেন না ।

প্র, পারি । কার দত্ত ?

পদ্ম । হনুমানের হৃদয়বিহারী দাসরথি-দত্ত ।

ঘট । মহাশয়, আপনার ভাব বুঝতে পার্লেম না ।

পদ্ম । যুবরাজ অঙ্গদ রাবণের সভায় লেজ পাকিয়ে উচ্চ আসন করে বসে সভাস্থ লোকদিগের অপমান করিয়াছেন শুনিয়া রামচন্দ্র সন্তুষ্ট হয়ে বলেন “যুবরাজ, বর নাও” ; যুবরাজ অঙ্গদ বলেন “প্রভু এই বর

দেন, যেন আমার লাঙ্গুল-পাঠান উচ্চ আসনখানি পৃথিবীতে প্রচলিত থাকে ।” রামচন্দ্র বলেন, “হে বীরশ্রেষ্ঠ বালিরাজাশ্রয়, তোমার প্রার্থনা অবশ্য ফলবতী হইবে ; তোমার প্রকাণ্ড শরীর তিন খণ্ডে বিভক্ত হয়ে কলিযুগে তিনটি অবতার হবে, সেই তিন মহাত্মা তোমার লেজরিনির্মিত আসন প্রচলিত রাখবেন ।”

ঘট । কোন্ খণ্ডে কোন্ অবতার হল ?

পদ্ম । মুখে মূর্খ জমিদার ; পেটে সোয়ালচুরির সদরআলা ; লেজে স্ককতলার ডেপুটি বাবু ।

দ্বি, পারি । স্ককতলাটা কি ?

পদ্ম । অনুরোধমিশ্রিত খোসামোদ ।

ঘট । মূর্খ জমিদারে বানরের মুখের চিহ্ন কি ?

পদ্ম । মুখ খিচোয় ।

ঘট । সোয়ালচুরির সদরআলায় বানরের পেট কই ?

পদ্ম । এজলাসে উৎকোচ আহাৰ করেন ।

ঘট । স্ককতলার ডেপুটি বাবুতে বানরের লেজের লক্ষণ কি ?

পদ্ম । শতমুখীতেও সোজা করা যায় না ।

তু, পারি । ডেপুটি বাবু কোথায় কৰ্ম করেন ?

পদ্ম । কিঙ্কিৰ্কাধাদে ।

ঘট । বিচারে কেমন ?

পদ্ম । ছয় কেটে দুই ।

ঘট । সে কি মহাশয় ?

পদ্ম । ডেপুটি বাবু এক দিন একজন আসামীকে ছয় মাস মেয়াদ দিলেন, বাসায় এসে সেরেসাদার মহাশয়ের কাছে জানলেন এমন অপরাধে দুই মাসের অধিক মেয়াদ হয় না, পর দিন কাছারি এসে ছয় কেটে দুই করেন ।

ঘট । ডেপুটি বাবু কি সেরেসাদারের বশীভূত ?

পদ্ম । সেরেসাদার ডেপুটি বাবুর ব্যাকষ্টোন ।

ঘট । কলমের জোর কেমন ?

পদ্ম । প্রায় বকলমে কাজ চলে ।

তু, পারি । রিপোর্ট লিখিতে হলে কি করেন ?

পদ্ম । কাগজ বগলে করে বন্ধুগণের শরণ লন ।

ঘট । ডেপুটি বাবু না কি বড় রসিক ?

পদ্ম । রেপ্‌কেসগুলিন বাবুর একচেটে ; মেয়ে সাক্ষীর জবানবন্দি বাসায় বসে ।

ঘট । ডেপুটি বাবু সভ্য কেমন ?

পদ্ম । সভ্যতার মধ্যে দেখতে পাই যুবরাজ অঙ্গদের মত বৈটক-খানায় ঠ্যাং উঁচু করে লাজুল-পাকান উচ্চ গদিতে বসে থাকেন, ভদ্রলোক এসে বিরক্ত হয়ে উঠে যায় ।

ঘট । বোধ হয়, বাবুজি মানের গৌরবে যুবরাজ অঙ্গদের মত ব্যবহার করেন ।

পদ্ম । মান ত মানকচু, বন্য শূকরের দস্তে বিদারিত । বাবুর মান গুঁতোয় গুঁতোয় খেঁতো হয়ে গেছে ।

তু, পারি । কিসের গুঁতো ?

পদ্ম । একের নম্বর গুঁতো মেজেষ্ট্রের ; দুয়ের নম্বর গুঁতো সেসান জজের ; তিনের নম্বর গুঁতো হাইকোর্টের ; চারের নম্বর গুঁতো গবর্ণ-মেন্টের ; পাঁচের নম্বর গুঁতো বেনামী দরখাস্তের । গুঁতাং পঞ্চ উপস্থাপরি ।

ঘট । বোধ করি, সেই জন্তে বাসায় এসে উচ্চ গদিতে আড় হয়ে পড়েন, ভদ্রলোক এলে গাত্রবেদনায় উঠতে পারেন না ।

পদ্ম । সে জন্তে নয় ।

ঘট । তবে কেন গদি ছেড়ে উঠেন না ?

পদ্ম । পাছে লাজুল বেরিয়ে পড়ে ।

ঘট । আপনার কলিকাতার বাতায়াত আছে ?

পদ্ম । বারেক ছবার গিয়েছিলেম ।

ঘট । সেখানকার বাবুরা কেমন ?

পদ্ম । কলিকাতা রত্নাকর বিশেষ ; কোন কোন স্থল অমৃতে পরিপূর্ণ,
কোন কোন স্থল বিষময় ।

ঘট । কোন অংশটা বিষময় ?

পদ্ম । যে অংশে খোঁড়া বাবুদের বাস ।

ঘট । খোঁড়া বাবুরা কারা ?

পদ্ম । ঝাঁরা লাজুল অবতারের মত উচ্চ আসনে উপবেশন করেন,
ভদ্রলোক নিকটে গেলে সম্মান করিতে কৃপণতা করেন না, বিদায় দেও-
য়ার সময় আবার আস্তে আহ্বান করেন, কিন্তু প্রতিদর্শনের সময়, অর্থাৎ
ভিজিট রিটারনের কাল উপস্থিত হলে, খোঁড়া হন ।

ঘট । তাঁরা কি বারমেসে খোঁড়া ?

পদ্ম । আজ্ঞে না, কারণ তাঁরা বিলাস-কাননে যাবার সময় চতুষ্পদ
হন ।

বিজ । (গদি হইতে অবতরণপূর্বক পদ্মলোচনের নিকটে বসিয়া)
পদ্মলোচন বাবু আমাকে বড় অপ্রতিভ কল্লেন, তা আপনিও ত বৈটক-
খানায় গদিতে বসেন ।

পদ্ম । কিন্তু উপযুক্ত লোক এলে তাঁকে গদিতে নিয়ে বসি, যদি
অধিক লোক হয় তাঁদের সঙ্গে নীচেয় বসি ।

বিজ । মহাশয় অসভ্যতা মার্জন্য করবেন ।

পদ্ম । ধনী লোকের নম্রতা, বড়ই মনোহর ।

বিজ । যদি অনুমতি করেন আপনাকে বাগানে নিয়ে যাউ ।

পদ্ম । আমি আপনার নিতান্ত অনুগত ।

[সকলের প্রস্থান ।

দ্বিতীয় গর্ভাঙ্ক ।

কেশবপুর—কামিনীর শয়নঘর ।

এক দিকে কামিনী, অপর দিকে ভবী ময়রাণীর প্রবেশ ।

কামি । এ কি ভাগ্গি, ময়রা দিদির আগমন ; আজ্ সকালে কার মুখ দেখেছিলেম, তার মুখ রোজ্ দেখব লো ; কোন্ ঘাটে মুখ ধুয়েছিলেম, সেই ঘাটে রোজ্ যাব লো । তুমি বেঁচে ; আমি বলি ময়রা বুড়ো রাঁড় হয়েছে ।

ভবী । কামিনি, নাতিনি, সতিনী আমার তুই,
তোর ঠাকুরদাদায় রেখে মাঝে তিন জনাতে
এক বিছানায় শুই ।—

কামি । মরণ আর কি, কত সাদি যায় ।

ভবী । একবার দেখি, বুড়ো তোকে শ্রায় কি আমায় শ্রায় ।

কামি । মুড়্ কিমুখী ময়রা দিদি, নবীন বয়েস তোঁর,
ছোট্টো মাজা, নিরেট বাঁজা, বড় কপাল-জোর ।

তোকে ছেড়ে কি আমায় নেবে ?

ভবী । নিলেও নিতে পারে ।

কামি । কেন লো ?

ভবী । ভাতার যে তোঁর মনে ধরে নি ।

কামি । তা বলে ত আর আমি বিয়ে করি নি ।

ভবী । পথ থাকলে কর্তিস্ ।

কামি । না থাকলেও করব ।

ভবী । কাকে লো ?

কামি । যমকে ।

ভবী । অমন কথা বলিস্ নে ।

কামি । যাই, মেজদিদির পাশে যাই, হাড়টা জুড়ুক ।

ভবী । মেজদিদি মল কেন ? বল না ভাই ।

কামি । ‘বড় ঘরের বড় কথা, বললে কাটা যায় মাতা’ ।

মেজো জামাই বড় মদ খেত, বাবা তারে বাড়ীতে আস্তে বারণ করে-
ছিলেন, এক দিন দরোয়ান দিয়ে বারু করে দিছিলেন ; মেজদিদির চক্-
দিয়ে টস টস করে জল পড়তে লাগল ; নাওয়া খাওয়া ত্যাগ করে সমস্ত
দিন কাঁদলেন ।—কেনই বা কাঁদলেন ; একে ঘরজামায়ে, তাতে মাতাল,
থাকলেই বা কি আর গেলেই বা কি ; আমরাও কি কাঁদি নে, কাঁদি, যদি
ভাতারের মত ভাতার হয়,—

ভবী । তার পর ?

কামি । মেজদিদি বাবার কাছে গিয়ে কাঁদতে কাঁদতে বলেন “বাবা,
আমায় একখানি ছোট বাড়ী করে দেন, আমি ওকে নিয়ে সেখানে থাকি ;
চাকরে তারে অপমান করে, আমার প্রাণে সহ্য হয় না ।”

ভবী । বাবা কি বলেন ?

কামি । বাবা বলেন “বিধবা হয়ে মেয়ে যেমন বাপের বাড়ী থাকে
তুমি তেমনি থাক, ভাব সে মরে গিয়েচে ।”—পোড়া কপাল আর ষি
বাপের মুখে কথা দেখ । যখন মেজদিদি তার ভাতারকে ভালবাসে
তখন সে মল হক্ ছন্দ হক্, মাতাল হক্ গুলিখোর হক্, তার কাছে
তাকে দেওয়াই ভাল ।

ভবী । আহা ! মেজদিদি মনে বড় ব্যথা পেলে, না ?

কামি । ব্যথা পেলে, ব্যথা নিবারণও করে,—রাতিরটী পোহাল ;
সুকাঙ্কে দোর খুলে দেখি মেজদিদি গলায় ধূর দিয়ে মাল বাহান মাল
চেউ খেলচে ।—বেঁচেচে, ঘরজামায়ের হাতে এজিরেচে ।

ভবী । বড় ডামাডোল হল ?

কামি । হল না ? বাবার হাতে দড়ী পড়ে পড়ে ; কত ক্রোক কত
কথা বলতে লাগল ; —কেউ বলে, বেরিয়ে বাচ্ছিন, বাবা ভাই, কেউ বলে
ভেন, কেউ বলে চাকরের সঙ্গে, জামাই বাবু ভাই বুল-করোঁনে ।

বলুক সে সব কথা মিছে, সতী লক্ষ্মীর দোষ দেব না ; আমি বা বল্‌চি তাই সত্যি, সে আপনার ছুখে আপনি মল ।

ভবী । জামাই বাবু আর আসেন নি ?

কামি । বরজামায়ে আর খানার চাপরাসী সমান, চাপরাস বদ্বিন মান তদ্বিন, চাপরাস গেল মান ফুরাল ।—চাপরাস হারিয়ে জামাই বাবু দেশে দেশে ভেসে বেড়াচ্ছেন ।

ভবী । তোর ভাতারকে যদি তাড়িয়ে দেয়,—

কামি । ওলাবিবির পূজ দিই ।

ভবী । তা আর দিতে হয় না,—

কামি । যে দোষে তাড়িয়ে দেয় এর সে দোষ নাই, মদ খায় না ।—গুলি খাও গাঁজা খাও, বেড়াতে চেড়াতে যাও বাবা তাতে কথাটা কন না; মদ খেলে, না যমের বাড়ী গেলে । তবু মেজ্‌দিদি মরে কড়াকড় অনেক কমেচে; এখন দাদারাও একটু একটু খান ।

ভবী । ভাব যেন না তজ্‌জামাইকে চাকররা তাড়িয়ে দিলে; তুই তা হলে কি করিস্ ?

কামি । কাঁদি, কিন্তু মরি নে ।

ভবী । কাঁদিস্ কেন ?

কামি । আমার জিনিস আমি মারি, কাটি, বকি ঝকি, তাতে এসে যায় না; কিন্তু পরে কিছু বলে আমার মনে বাজে, হয় ত তাইতে কাঁদি ।

ভবী । মরিস্ নে কেন ?

কামি । শুধু শুধু মরতে যাব কেন লো; এক দিন তাড়ালে বলে কি রোজ তাড়াবে । বরজামায়ের মান আর অপমান; বরজামাহেব গা, না গণ্ডারের গা, মারলে দাগ চড়ে না; তাদের মন লোহার গঠন, অপমানের হল বেঁধে না, বরং ভোঁতা হয়ে যায় ।

ভবী । আমার বোধ হয়,—একটু ভারিকি হলে তোর ভাতারকে তুই ভালবাসবি ।

কামি । ছেলোর দোরে না গেলে ত নয় ।

ভবী। না তুমিই না কি বড় রাগ করে আসবে না ?

কামি। ঘরজামায়ে পোড়ারমুখ,
মরা বাঁচা সমান সুখ।

আসে আসবে, না আসে না আসবে, আমার তার কি ?

হাবার মার প্রবেশ।

ভবী। তোর না ত কি আমার, না এই হাবার মার ?

কামি। হাবার মার, মাইরি মররা দিদি, তোর মাতা খাই; এক রাত্ এক বিছানায় বাস হয়ে গিয়েচে। হাবার মার ঐ ত রূপ;—দাঁতগুলি পড়ে উঠচে, চক্ষের কোণে ক্ষীরোদমহন, চুল শণের মুড়ি, নারকেলের তেলে জ্ব জ্ব, নিকি মরে পচা গন্ধ; উতিই আমার নটবর হাবু ডুবু।

হাবা। জামাই বাবুকে আন্তে গেল,—

কামি। আমার নিয়ে চুলোয় চল।

হাবা। আ মরি কথার শ্রী দেখ!—কামিনি, তোরে কেমন কেমন দেখ্চি,—

কামি। কার সঙ্গে লো ? আমার আঁধার মানিক কোঁচ হয়েছে; হাবার বাবার সঙ্গে দেখলি না কি ?

ভবী। তোর যে মুখ, হাবার বাবার বাবা হার মেনে বার।

হাবা। এ বার এলে আর গ্যালা করে হতছেদা করিস্ নে।—ছোট নোক হক্, গুলি থাক্, তোর ভাতার ত বটে, ফুল ফেলে ত বেরেচে। স্বামী একনোক, তারে কি বার করে দিয়ে দোর দিতে আছে, বলে

‘স্বামী আমার গুরু জন,

এক রাজার নয় সাত রাজার ধন।’

কামি। হাবার মা, তুই আর আলাস্ নে ভাই, মররা দিদি এয়েছে হঠাৎ মনের কথা কই; তোমার কথকতা কতে ইচ্ছে হয়, বেশি কই বসো।

হাবা । হ্যালা কামিনি, তুই আমারে বাঁদী বলি; তোরে হতে দেখিচি, কোলে পিটে করে মানুষ করিচি, তুই বুড়ো ধাড়ী নেংটা হয়ে বেড়াতিস্, সাপের ভয় দেখিয়ে তোরে কাপড় পরাতে শিখিয়েচি ; তুই আজ এত বড় হলি, আমারে বাঁদী বলি ; ঘাই দিকি গিল্লীর কাছে ।

কামি । হাবার মা, তুই বড্ড হাবা, আমি বল্লেম বেদি, তুই শুনলি বাঁদী । ময়রাদিদিকে জিজ্ঞাসা কর, আমি বলিচি “বেদি”, বাঁদী নয় ।

ভবী । সত্যি রে হাবার মা, কামিনী তোকে বাঁদী বলে নি,—

কামি । মাইরি হাবার মা, আমি তোরে মন্দ কথা বলি নি, রাগ করিস্ মে আমার মাতা খাস্,—

হাবা । বালাই, তোর মাতা কি আমি খেতে পারি । তোর ভাতার রাগ করে গেছে, আমি ধড়ফড় করে মরুচি ।

কামি । তোমার সঙ্গে কি না নূতন প্রেম ।—আহা ! জামাইবাবু এখানে নাই, হাবার মার বিছানাটি ফাঁৎ ফাঁৎ কছে ।

ভবী । ও হাবার মা, নাত্জামাই তোর বিছানায় গিয়েছিল কেমন করে ?

হাবা । দেখে যা পাড়ার লোক চোরের দাগাদারি,

যে ঘরেতে রাস্তা বউ, সেই ঘরেতে চুরি ।

দেখে যা চোরের দাগাদারি । [নৃত্য ।

ভবী । আ মরণ, নাচেন যে !

হাবা । নাচ্ব না ত কি,

আমি কি ভেসে এসেচি ;

কাল সকালে কেলে সোণার কোলে বসিচি । [নৃত্য ।

কামি । গোড়ারমুখ, যেমন বকড়া কত্তে, তেমনি আমোদ কত্তে ।
এক বুড়ি, তবু রসের ডোবা ।

ভবী । হাবার মা, নাত্জামাইয়ের সঙ্গে কেমন নূতন পীরিত্ব কামি
বল্ না ?

হাবা। আমার সঙ্গে পীরিত করা,
জামাই বাবুকে প্রাণে মারা।

কামি। সে যে তোমার নয়নতারা।

হাবা। তা ত তুমিই করে দিয়েচ। শুনিচি কুচবেহারে মাগ ভাড়া
দেয়; বড় মান্‌সের মেয়েরা ভাতার ভাড়া দেয়।

কামি। তোর কাছে আমার এক রেতের ভাড়া পাওনা, জান্‌লি।

হাবা। তোর রাত্ কত করে?

কামি। কুলীন বাবুদের ফাটা পা।

ভবী। আমি কথাটা পাড়ি, আর কামিনী উড়িয়ে দেয়।—

হাবার মা, নতুন পীরিতের কথা বল্।

কামি। কেমন করে আমার সতীন হলি তাই বল্।

হাবা। ‘ময়না ময়না ময়না,
সতীন যেন হয় না।’

কামি। মাচি, মাচি, মাচি,
সতীন হলে বাঁচি।

হাবা। আমার মত সতীন হলে বটে; ময়রাদিদির মত সতীন
বাঁড়ে বাঁড়ে যুদ্ধ, ভাতার শালা পাঁটা-ছেঁড়াছিঁড়ি হয়।

কামি। ময়রাদিদি ন্যাজের দিকে।

ভবী। তা হলে আমি গিচি। তুমি কামদেবের ব্যার-কাটা কামার;
মুড়ির সঙ্গে যা থাকে তা কামারের; তুমি এমনি কোপ করবে, মুড়ির সঙ্গে
সব ভাতারটুক্ কেটে নেবে।

হাবা। তোমার হাতে থাকবে কি?

ভবী। ভাতারের ন্যাজটা।

কামি। ময়রাদিদি, তুই ভয় করিস্ কেন; হাবার মারের বিলাপ শুনে
ওকে আস্ত দিয়েছিলেম।

ভবী । ওকে দেবার আটক কি, ও ত কাটে না, কেবল পাতা
খাওয়ায় ।

হাবা । মাইরি দিদি আমি কিছু খাওয়াই নি; হুকুর রেতে কোথায়
কি পাব বোন; বাছা চুপ্টি করে শুয়েছিল ।

ভবী । কামিনীর ঘরে কে ছিল ?

কামি । ময়রা বুড়ো ।

ভবী । ময়রা বুড়ো তোর বড় মনে ধরেচে ।

কামি । অদন্তের হাসি, বড় ভালবাসি ।—বুড়োর তুই বুক-পোরা
ধন; এক খোলা সন্দেশ, টাটকাগড়া, গরম, গরম । বুড়োর মাতার
টাক পড়েচে বটে; কিন্তু বয়সে নয়, কেবল তোমায় বয়ে বয়ে; তুমি জল
বলে সর্বোৎসে দেয়, ভাত বলে পায়স, মাচ বলে মাকাল ঠাকুর ।

‘দোজ্বরে ভাতারের মাগ

চতুর্দশীর চন্দ শাগ ।’

ভবী । তুইও ত দোজ্বরের মাগ ।

কামি । আদিরসের দোজ্বরে

চিরকাল্‌টা জ্বালিয়ে মারে ।

ভবী । তাইতে দিলি হাবার মারে ।

হাবা । আহা! রাত্‌ পর ছয়ের সময়, লোকজন সব শুয়েচে, মাজের
দরজায় চাবি পড়েচে, বাছারে ঘর থেকে বার করে দিয়ে খিল দিলে;
ও কি সামান্য; ওর মত কল্লা মেয়ে বাপের কালে দেখি নি । দশটা পাঁচটা
নয়, একটা ভাতার, তার এই ধর, ছিক্‌ লো ছি !

কামি । ভ্যানা ভেবে ভাতার ভেজেচি ।

ভবী । তারপর ?

হাবা । বাছা কত বলে “কামিনি, দোর খোল, কামিনি, দোর
খোল, আমার মাতা খাও, দোর খোল” ।—‘চোরা না শুনে ধর্মের
কাহিনী’;— কামিনী ঘোঁৎ ঘোঁৎ করে ঘুম—

কামি । ঘুমব কেন, আমি দোরের কাছে দাঁড়িয়ে ।

হাবা। বাছা ডাকাডাকি করে হাল্লাক, দোরে যা দিতে পারে না, পাছে বড়বাবু জেগে ওঠেন; কি করে কতকগ দোর ধরে কাঁদতে নাগল,—
কামি। দূর পোড়াকপালি মিথ্যাবাদি, সে কাঁদবে, ধন, আমাকে কত গাল দিতে লাগল; যদি কাঁদত, আমি তখনি দোর খুলে দিতাম।—
'বিষের সঙ্গে খোঁজ নাই কুলোপানা চকোর'; কথায় কথায় তেঁজ, ঘরজামানে তেঁজী হয় কে কোথায় দেখেচে।

হাবা। বাছা জোয়ারের এর মত দোরে দোরে ভেসে বেড়াতে নাগল,—
ভবী। তার পর বুঝি তোমার কোষায় উঠলেন?

হাবা। আমার কি বিছানা আছে না শেষ আছে;—একখানি ভান্সা তক্রাপোষ, তার ওপর ছেঁড়া কাঁথাখান পাতা, বালিশটে ময়লা, ওয়াড় দিতে পারি নি,—

কামি। তাতে আবার তোমার গোটানালে রাত্‌দিন রসবতী।

হাবা। সাঁজের বেলা পাঁচি ছোটবাবুর পেটরোগা ছেলেডারে সেই বিছানায় বসিয়েছিল; শোবার সময় গিয়ে দেখি আমার মুণুপাত করে গিয়েচে; কি করি, বুড়ো হাবড়া মানুষ, রেতে চকে দেখতে পাই নে; পাঁচি আবাগী জামাইবারিকে রামরাবণের যুদ্ধ কছে; ভয়ে ভয়ে বিছানার একপাশে শুয়ে পড়লুম।

কামি। ভাবতে লাগলে কেলেসোণা কখন কুঞ্জে আশ্রয় করবেন—

হাবা। চকের পাতা না বৃজ্‌তে বৃজ্‌তে কামিনীর কান্দে লাগল,—

কামি। ময়রা বুড়ো ধরা পড়েচে।

হাবা। বাছা আমার ঘরে দাঁড়িয়ে ভাবতে নাগল, ঘুমে চুলে পড়্‌চে, আমার বিছানার শোবার উয়ুগ। আমি দেখলুম মুণুপাতে বাছার বুঝি মুণুপাত হয়; বল্লুম "জামাই বাবু, মুণুপাত বাঁচিয়ে পাশবেঁসে শুয়ে থাক"; জামাই বাবু তাই করলেন।

কামি। এক পাশে হাবার মা, এক পাশে জামাই বাবু, মাঝখানেতে কে?

হাবা। মাঝখানে আমার মুণুপাত।

১

ভবী । ঘুমের ঘোরে তোর গায় না কি হাত দিয়েছিল ?

হাবা । মুণ্ডপাত আড়াল ছিল ।

ভবী । ত্রার পর সকাল বেলা ?

কামি । নিশি অবসানে দেখলেন কেলে সোণা কোল থেকে চুরি গিয়েচে ।

হাবা । সকাল বেলা উঠে শুনি, জামাই বাবু রাগ করে বাড়ী গিয়েচে ।
তখনি লোক গেল, ফিরল না ।—আবার আজ লোক গিয়েচে ।

[প্রস্থান ।

ভবী । এ বারে আসবে ।

কামি । আগুনে টেনে আনবে ।

ভবী । কিসের আগুন ?

কামি । জঠরের ।

ভবী । ঘর থেকে বার করে দিছিলি কেন ?

কামি । একটা তুচ্ছ কথা নিয়ে ঝকড়া হয়েছিল,—

ভবী । পীরিতের ঝকড়া ?

কামি । প্রেতের ঝকড়া ।

ভবী । কথাটা কি ?

কামি । আমি ভাই আঁধার ঘরে শুতে পারি নে ; প্রদীপটে নেবে
নেবে ; বল্লম প্রদীপটের তেল দাও, সে বল্লম তুমি দাও ; আবার বল্লম
আমি আরাম করে শুইচি তুমি গিয়ে তেল দিয়ে এস ; নে বল্লম আমি বুঝি
দৌড়ে বেড়াচ্ছি, তুমি গিয়ে তেল দাও । আমার বড় রাগ হল,—রাগ
হবারি কথা,—বল্লম আমার বিছানা থেকে তাড়িয়ে দেব । সেও রাগুল,
গদিতে ধপ্ ধপ্ করে নাতি মাল্ল, দোর খুলে বাইরে গিয়ে দাঁড়াল ; আমি
তাড়াতাড়ি গিয়ে খিল দিলেম । মাজের দরজার চাবি, বাইরে যাবার
পথ নাই ; নরম হয়ে কত ডাকলে, তা আমি শুনেও শুনলেন না ।

ভবী । তার পর ?

কামি । মুণ্ডপাত ।

ভবী । এটা নাভুজামারের অন্যান্য; কত ছম্‌রো চুম্‌রো ভাতার মেগের
কথার প্রদীপে তেল দেয়, মাগকে উঠতে দেয় না, বিশেষ শীতকালে ।

কামি । সেটা ভাই, সেজদিদির ভাতারের দেখিচি, সেজদিদি বত
বার বাইরে য়, সে তত য়র সন্দের সাথী; দোর খুলে দেয়, দোর
দিয়ে আসে, জল খাব বলে গেলাসটা মুখে তুলে ধরে ।

ভবী । বাই হুক্‌ কামিনি, য়বার সময় একটা কথা বলে বাই,
নাভুজামাইকে আর অপমান করিসনে, হাড়াই ডোমাই ভাল দেখার না,
লোকে তোরি নিন্দে করে ।

কামি । ঘরজামায়ে ভাতার য়র,
কাণের সোণা নিন্দে তার ।

উভয়ের প্রস্থান ।

দ্বিতীয় অঙ্ক ।



প্রথম গর্ভাঙ্ক ।

বেলভেঙ্গা—পদ্মলোচনের দরদালান ।

পদ্মলোচন আসীন—অভয়কুমারের প্রবেশ ।

অন্ত । কি দাদা, হরগৌরী হয়ে বসে রয়েচ যে,—অর্ধেক অঙ্গে তেল দিয়েচ, অর্ধেক অঙ্গ রুক রেখেচ ।

পদ্ম । আমার পক্ষাঘাত হয়েছে;—তুই সতীনে শরীরটে ভাগ করে নিয়েচ;—ডান দিকটে বড় আবাগীর, বাঁ দিকটে ছোট আবাগীর । ছোট আবাগী এতক্ষণ তেল মাকাচ্ছিল; চুলচেরা ভাগ, বাঁ অঙ্গে মাথিয়েচে, ডান অঙ্গ পড়ে রয়েচে,—দেখ না, ডান দিকে তেলের দাগটা লাগে নি; বড় আবাগী আসে, ডান দিকে তেল পড়বে, নইলে এইরূপেই বসে থাকতে হবে ।

অন্ত । আপনি কেন ডান দিকে তেল দিয়ে নেয়ে ফেলুন না, বেলা ত অনেক হয়েছে ।

পদ্ম । তা হলে কি আর আশু থাকব ! বড় আবাগী ছন্দাড় করে কীল মারবে, কেন্দে বাড়ী মাথার করবে, কাঁটা ফিরিয়ে বাড়ী ভাঙবে বলবে “আমাকে একটু ভালবাস না, আমার অঙ্গটা আমার জন্য রাখবে না, আপনি তেল দিলে ।”

অন্ত । তুমি তবে ত বড় সুখী; তুমি যে দেখি ঘরজামায়ের বাবা

পদ্ম । ঘরজামায়ের এক বাধিনী আমার ছাটা ।

অন্ত । কিন্তু দাদা, ঘরজামায়ের একটা এক সহস্র ।

পদ্ম । ভুগি নি, বলতে পারি না ।—এরা এখন মার, ধরেচে,—

অভ । বল কি ?

পদ্ম । কথার কথার ।

অভ । তবে তোমার জিত ।

পদ্ম । আমার জিত অনেক রকমে ; তুমি পেতে খেতে পাও, আমার
খোর আট দিন উপবাস করি ; ছুই আবাগী ছটো রসুইবর করেছে ;
এ বলে আমার এখানে খাও, ও বলে আমার এখানে খাও ।

অভ । তাতে ত আরো খাবার সুখ ।

পদ্ম । খাবার উদ্যোগ মাত্র, ভাত ব্যঞ্জন যেমন তেমনি থাকে ।

অভ । তুমি তবে খাও কি ?

পদ্ম । বড় আবাগীর কীল, ছোট আবাগীর চড় ।

তেলের বাটী হস্তে বগনার প্রবেশ ।

বগ । ঠাকুরপো কবে এলে ? এ বারে না কি তাড়িরে দিয়েচে ? তুমি
কি মাগই পেরেচ ! আমাদের ইনি একবার তাদের হাতে পড়েন, মাগের
সুখটা টের পান ।

অভ । তুমি স্বামীর গার হাত তোল, তারা তা তোলে না ।

বগ । গুণের নিধি বলেচেন বুদ্ধি ; আমার নিধে না করে বল খান
না ।—আমি তোমার করিচি কি, তোমার বুকে তাত রেঁদিচি, না তোমার
পিণ্ডি চটকিচি, যে বার তার কাছে আমার নিধে কর,—

পদ্ম । তুমি মারতে পার, আর আমি বলতে পারি নে ?

বগ । আমি তোমারে একা মারি ? আঃ ! ডাক্তার তারত-হাড়া
ছোট রাণীর নাম করতে পার না, সে তোমার মারে না, সে তোমার বুকে
বাসি আকার ছাই তুমে দেয় না ; ছোট রাণীর নাতিশুল চানরায়ন,
ছোট রাণী হাসলে মাণিক পড়ে, কাঁদলে মুক্ত পড়ে, চলে গেলে পরকল
কোটে,

‘ছোট মাগ পাটরাণী,

বড় মাগ খাটানানী ।’

কি বল্ব ঠাকুরপো এখানে, তা নইলে এই তেল শুধু তেলের বাঢ়ী মাতার
ভাঙ, তেম ।

পদ্ম । বড় রাণী মারেন কিনা বুঝতে পাচ্চ ।

বগ । সাদে মারি, তোমার রীতের দোষে মারি ; মারি খুব করি, ছোট
রাণীকে ভয় কত্তে হবে নাকি ।—এই মারেনম ।

(সজোরে তেলের বাঢ়ী মস্তকে পাতন ।

অভ । সত্যি সত্যি মারলে বউ ।

বগ । আমি বাঢ়ী ফেলে মেরেচি, ছোট রাণী হলে ঘটা ফেলে মারত ।—
দেখলে ত ভাই, ওঁর বিচার ত দেখলে ; আমি কথা কইলে ওঁর গায়
পোড়া কাঠ পড়ে, ছোট রাণী কীল মারলে ওঁর গায় পুষ্পবৃষ্টি হয় ।

পদ্ম । (দীর্ঘ নিশ্বাস) তোমার বাঢ়ীর ঘায় সচন্দন পুষ্পবৃষ্টি হচ্ছে ।

অভ । আহা ! রক্ত পড়ছে বে ।—বউ, একটু তেল দাও ।

বগ । মর্চি, ও দিক্‌টে বিন্দী পোড়াকপালীর ; তার দিকে আমি
তেল দিলে কথা জন্মাবে ।

পদ্ম । তার দিক্‌টে ভেঙ্গে দিলে কথা জন্মায় না ।

বগ । পোড়া কপাল পুড়েছে, তারি দিকে টান্‌চেন, আমার দিকে
ভুলেও টানেন না ।—(পদ্মলোচনের দক্ষিণ হস্তের অনুলিতে অনুরীর দর্শন
করিয়া) দেখ ঠাকুরপো, তুমিই ভাই এর বিচার কর ; এই আংটিতে বিন্দী
পোড়াকপালীর বাপ দিয়েছে, ওটা আমার হাতে দেওয়া, ছল করে আমারে
কীপমান করা, আমার বাপকে গরিব বলা, আমার বাপকে ছোট লোক
বলা, বিয়ের সময় একটা আংটি দিতে পারে নি,—

পদ্ম । কি আপদেই পড়িচি ! সাদে কি তার আংটি তোমার হাতে
দিইচি, বা হাতটার তেল দিতেছিল, তেল লাগে বলে বা হাতের আংটি
ডান হাতে দিইচি ।

বগ । তুলি ঠাকুরপো, বিচার তুলি । যেমন হক একটা ডাণ
কাটা হয়ে গেছে, ডান দিক্‌টে আমার দিকে পড়েছে ; ডাণ বাটার পা

[ভাঁড়]

দ্বিতীয় অঙ্ক।

১৮৮২

২০০৬

২১

আমার হাতে তার জিনিষ দেওয়া ওঁর কি উচিত।—তাই চাও ত
খুঁটে খুলে ফেল, নইলে নোড়া দিয়ে আঙ্গুল গুঁড় খেঁতো করে ফেলব।

পদ্ম। এই নাও খুলে ফেলেন।

[অঙ্গুরীয় দূরে নিক্ষেপ।

বগ। তুমি এখন একরকম হরেক, আমার প্রতি তোমার আর
লবাসা নাই, আমার তুমি আর দেখতে পার না। বিন্দী পোড়াকপালী
আমার কি খাওয়ালে, খাইয়ে আমাকে পর করে দিলে।—আমার ঘরে
আর বসতে চান না; ঘরে না ঢুকতে বলেন, আমার হাতে অনেক কাজ
দীর্ঘ ঘরে ঢুকলে বেরতে চান না।—আমার বিছানার ছুঁচ ফোটে, না;
দীর্ঘ গদি বড় নরম, রাত দিন তাতে পড়ে থাকতে ইচ্ছে করে।

[প্রস্থান।

অভ। ছোট বরের দিকে দাদার একটু পক্ষপাত আছে।

পদ্ম। ‘খুঁটোর জোরে ম্যাড়া নড়ে’।—আমার কাছে ইতর-বিশেষ নাই
না। ছজনকেই সমান দিইচি, বরং বড় রাণীকে অধিক। তবে কি জান
ই, ছোটরাণীর বরেন কম, কাজেই এক ঘণ্টার জারগার হুঁচ বসতে

অভ। তিনিও কি মারেন?

পদ্ম। জুতোর বাড়ী। তিনি বড় রাণীর বাবা।

অভ। ছোট বউ ত এমন ছিলেন না।

পদ্ম। বড় আবাগীর বেধে শিখেছে। এখন বড় হয়েচে, আপন পুত্র
কি নিয়েচে। সে দিন বড় রাণী পিটে করে খাওয়ালে; পিটে ত নছ
টের পীড়ে; কতকগুলো কাঁচাতেলমাথা চেলের গুঁড়ি সূঁখে দিয়ে বস
ন “পিটে খাও,” কি করি, ভয়তে ভয়তে খেলেন; জানি, না খেলে পিট
কবে না। কিন্তু তাই, এক দিন পিটে খেয়ে তিন দিন পেটে ছেড়ে দিয়ে
সহিলেন। ছোট রাণী তারের কলসী, ও ছাড় বে কেন, জামা, সমস্ত দিন
র পিটে করলে, রেতে আমার পেড়ে বসে।—ছোট রাণী সকল বিষয়েই
রাণীর বাবা, পিটে করেচেন বেশ সুকুরে উজড়ে রেখেচেন।—তাই

করে খেলেন বনে কত আবদার ; কি করি, আবার খেলেন ।—বলেম বড় রাণীর পিটের চাইতে অধিক খেইচি, তবে ছাড়লে । ঝুঁড়া, দোকর খরচ, মিথ্যা কথা, প্রবন্ধনা—আমার হয়েছে অনেক ভূষণ ।

বিন্দুবাসিনীর প্রবেশ ।

বিন্দু । পোড়া কপাল গুড়েচে, সত্যি সত্যি ফেলেচে,—

পদ্ম । কি ছোট রাণী ?

বিন্দু । আমার বিয়ের আংটি না কি আঁতাকুড়ে ফেলে দিয়েচ ?

পদ্ম । (স্বগত) সর্বনাশ করিচি । (প্রকাশে) না ছোট রাণি, আমি কি তোমার আংটি ফেলতে পারি, হঠাৎ হাত থেকে এই উঠানে পড়ে গিয়েচে ।

বিন্দু । আংটির পা হয়েছে, না আংটি বগী আবাগীর মত নাপাতে শিখেচে, তাই উঠানে নাকিয়ে গেল ?—তোমার মরণদশা হয়েছে, তাই এই অলক্ষণ গুণো কত্তে আরম্ভ করেচ ।—বগী আবাগী ঠিক বলেচে, আংটি আঁতাকুড়ে দিলে, এই বার ছোট রাণীর মাজার ঘোল ঢেলে ঢাক বাজাতে বাজাতে বনবাস দেবে ।

পদ্ম । বালাই, অমন কথা বলতে নাই ।

বিন্দু । তুমি আর বাকি রেখেচ কি ? তুমি মর, যমের বাড়ী বাও, আমি বাপের বাড়ী বসে একাদশী করি । রাত্‌দিন ঝাঁটা খাচ্ছেন, তবু নজ্জা হয় না । কি বল্ব ঠাকুরপো রয়েছে, নইলে নোড়া দিয়ে একটা একটা করে দাঁত ভাঙতেম ।

অন্ত । ছোট বউ, তুমি রাগ করো না, বড় বউ তোমাকে কেপিয়েচে ।

বিন্দু । পোড়ারমুখের আকারা ; সে কিনা বলে আমাকে বনবাস দেবে । আমার বনবাস হলে উনিও বাঁচেন, তিনিও বাঁচেন । আমি আর এখানে থাকতে চাই না, আমি কোলই চলে যাব, তুমি বগীকে নিয়ে নন্দনস কর ।

পদ্ম । ছোট রাণি, একটু চেপে যাও, অন্তর রয়েছে এখনে, মনে পাবে কি ।

বিন্দু । ওঁরে আমার নজ্জা নিবারণ কর্বের কঁড়া রে! বগী আবাগী খন পাড়ার লোকের সঙ্গে মল্লযুদ্ধ করে, তখন ভাতারগিরি ফলাও না, স যে শক্ত মাটী, দাঁত বসে না ।

পদ্ম । তার তিন কাল গেছে, এক কাল আছে, তাই তারে কিছু মিলি না, তুমি বউ মাছুষ তাই বলি ।

বিন্দু । তোমার আর খোসামুদে কথা বলতে হবে না,—তুমি বত ভালবাস তা আমি কাল্ টের পেইচি ।

পদ্ম । কিসে?

বিন্দু । বড় রাণীর পিটে খেয়ে তুমি তিন দিন পেট ছেড়ে দিয়েছিলে, আর আমার পিটে খেয়ে একটীবার ঘটা ছুঁলে না । আমাকে ভালবাস না, তাই আমার পিটে খেলে না ।

পদ্ম । মাইরি ছোট রাণি, তোমার পিটে আমি এক পেট খেইচি, বড় রাণীর পিটের ডবোল খেইচি ।

বিন্দু । তা হলে আজ তোমার গঙ্গাযাত্রা হত । তাঁর পালার পিটে খেলেন, আমার পালার পেট ছেড়ে দিলেন; আমার পালার পিটে খেলেন, তার পালার দিন খুঁটি হয়ে বসে রইলেন ।

পদ্ম । তুমি কেন একটু পটলের গুঁড় খাওয়ালে না, তা হলে যে ওর পালার দিন মরে থাকতেন ।

বিন্দু । তুমি এমনি নেমকহারামই বটে ।—আমি ওঁর অন্যে এত করে মরি, উনি ভাবেন আমি ওঁর মরণের চেষ্টা করি ।

অন্ত । দাদা জান কর, বেলা অনেক হয়েছে ।

পদ্ম । খশুরবাড়ী কবে যাবে? লোক এয়েছে না কি?

অন্ত । দেরি আছে, বাবার আগে দেখা হবে ।

পদ্ম । তোমার বস্তুরের অর্থ করণটা স্বভাবতঃ মন্দ নয়, তবে খোসামুদেরা ধারণ করে তুলেছে ।

অন্ত । তিনি যে সকল মেয়ে গ্রহণ করেছেন, তাঁর গুণে খলিহারি
বাই ।

[প্রস্থান ।

পদ্ম । রাগটা পড়েচে কি ?

বিন্দু । আমি কার উপর রাগ করব, আমার আছে কে ?

পদ্ম । আমি ।

বিন্দু । তুমি কি আমার ?

পদ্ম । তবে কার ।

বিন্দু । বগী আবাগীর ।

পদ্ম । তুমি যদি বুঝে দেখ, আমি তোমা বই আর কারো নই ।

বিন্দু । বোঝাবুঝি পিটেতেই জান্তে পেরিচি; মন্তে গিছিলেম
পিটে কন্তে গিছিলেম ।

বগলার প্রবেশ ।

বগ । হ্যাঁরা, ও হাড়হাবাতে প্যাত্না, তুই না কি আমাকে বুড়া
হাবড়া বলেচিস্ ? একেবারে অধঃপাতে গিরেচ । বিন্দী পোড়াকপালীর
আচ্ছা ওষুধ, বেশ্ ধরেচে ।

পদ্ম । কে বল্লো ?

বগ । অভয় ঠাকুরপো বলে গেল ।—তোমার নাকি মৃত্যু বৃন্দিরে
এয়েচে, তাই এমনি করে অপমানের কথাগুলো মুখ দিয়ে 'বার' কচ্চ ; তুমি
এখন আর মানুষ নও, তুমি এখন বিন্দীর বাদর ।

বিন্দু । বগি, তুই বিন্দী বিন্দী করিসনে, বল্চি; ভাল, হোর তাতার
তোরে বুড়া বলে থাকে, তার সঙ্গে বোঝা পড়া করগে; আমার নাম
করবি বেড়ী-পেটা হবি ।

বগ । হ্যাঁরা কালামুখ, তুই আপনি বলি, না বিন্দী তোকে বলালে ?
কথা কস্ নে যে—বিন্দীর দিকে দেখ্চিস্ কি ?—তুই যেমন তারি মতন—

(মন্তকে প্রকাশ মুষ্ঠ্যাধাত ।

পদ্ম । বাবারে! গিচি, মের্কে কেনেচে আবাগী ।

বগ । বুড়ো বলবি আরো গাল্ দিবি ? ইয়ারা হাবাতকুড়ে, হতছাড়া, কচকো, পথেপড়া, আঁটকুড়ির ছেলে, ভাইখাগীর ভাই, মড়িপোড়ানীর মাই ।

বিন্দু । ওরে আমার কুলীনকুমারী, গ্যাদায় মরি, তবু বেটীর বাপ চকারী ।—খুব করেচে বুড়ো বলেচে, আরো বলবে, আর দশ বার বলবে; ড়ারে বুড়ো বলবে না ত কি খুকী বলবে না কি ? তিন কাল গেচে ক কাল আছে, এখন এয়েচেন সতীনের ঝকড়া কস্তে । বৃন্দাবনে যাও, লামুখি, বৃন্দাবনে যাও, দোরে দোরে ভিক্ষা করে বেড়াও—

ভিক্ষা দাও গো ব্রজবাসী, রাধাকৃষ্ণ বল মন,
আমি বৃদ্ধ বেশ্যা তপস্বিনী, এইচি বৃন্দাবন ।

বগ । ও সর্কনাশি, বিন্দি রাঁড়ি, হতছাড়া, শতেকখোরারি, নয়-য়ারি, মড়িপোড়ানীর মেয়ে, তোর বড় বৃদ্ধি হয়েচে, এত বৃদ্ধি ভাল নয়, তার মরণ-বাড় বেড়েচে, আর দেরি নাই, পড়্ লি, পড়্ লি, পড়্ লি; ছাট মুখে বড় কথা জেয়দা দিন থাকে না । আমি বুড়ো হলে তোর ভাতার ড়ো হত না ? না তোর ভাতার দিদি বিয়ে করেছিল ?

বিন্দু । তোকে আর জন্মে বিয়ে করেছিল ।

বগ । দূর আবাগি ভালখাগি, মড়িপোড়ার ঝি; মড়িঘাটার তোর প কাঠ ঘোপায়; পোড়াকপালে অনামুখ টাকার লোভে মড়িপোড়ার মেয়ে বিয়ে কলে, মলে কাঠের দাম নেবে না ।—বিন্দি রাঁড়ি, তোর মড়িপোড়া বাবাকে বলে দিস, আমি মলে কাঠগুলো যেন শুকনো দেয় ।

বিন্দু । তুমি মনে গোর দেবে, কাঠ লাগবে না ।

বগ । গোর দেবে তোর বাপকে আর তোর বাপবরসি ভাতারকে । ভালখাগি, তুই যে ভাতার ভাতার করিস, তোর ভাতারে আর আছে কি, মতে কিছু বস্তু রেখেচি ? তোর পাঁচ বৎসর আগে আমার বিয়ে হয়েচে, মারি পাঁচ বৎসর একা জোগ করি । তোর পর রপ্ড়ে মসড়ে সিংকে

চিংড়ে মাদা ফ্যাক্ ক্যাক্ কেঁসোওঠা আঁবের আঁটিটে আঁতাকুড়ে ফেণে দিইচি, তুই কাঠকুড়ানীর মেয়ে সেইটে কুড়িয়ে নিয়ে খাচ্চিস্ ।

বিন্দু । তবে ভাগ ভাগ করে মরিস কেন, ওলো পাড়াকুঁছলি, পাটিবেচার মেয়ে? তোর বাপ পুঁটিমাচের মত টাকা গুণে নিয়ে তবে তোকে বেচেছিল, যখন দেখলে তুই হিজ্জে, আমাকে বিয়ে করে ।

বগ । ওলো পোড়াকপালি, তোকে বিয়ে করে নি, তোকে নিকেও করে নি, তোকে রেখেচে ;—বাবুরা মেগের বয়স হলে যেমন রাখে, তেমনি তোকে রেখেচে । তুই বারেগার চিক বুলিয়ে দে, মেজের মাদা বিছানা কর, তাকিয়ে বসা, বাঁধাছকোগুণো মেজে ঘসে রাখ্, খাটে তুই হাত পুরু গদি পাত্, পায় বার গাছা মল দে, পাছাপেড়ে শাড়ী পর, ফিরিজি করে ধোঁপা বাঁধ্, বেঁধে বাবুকে নিয়ে সন্ধ্যার পর একটু পোর্ট খেয়ে মত্ত হ, আর হুকিয়ে বাবুর মুখে চূণ কালী দে ।

বিন্দু । ভিক্ষা দাও গো ব্রজবাসী, রাখাকৃষ্ণ বল মন,

আমি বৃদ্ধ বেশ্যা তপস্বিনী, এইচি বৃন্দাবন ।

বগ । ওরে আমার শ্যালকাঁটা ফুলের কলি রে, ওরে আমার ডাব্, নারকেলের, ন্যাওরাপাতি, ওরে আমার মড়িপোড়ানীর কম্লে বাচুর ; বাছার বুঝি দাঁত ওঠে নি, বাছা বুঝি মাড়ী দিয়ে কাম্ড়াচ্ছে ।—ও আবাগি, সরে যা, ও পোড়াকপালি, বুড়ো ভাতারের কাছ থেকে সরে দাঁড়া, কেমন কেমন দেখায়, বাপ বি বলে ভুল হয়—

আমি ফচকে ছুঁড়ী, ফুলের কুঁড়ি, মড়িপোড়ানীর বি,
বিয়ের পরে বুড়ো ভাতারকে বাবা বলিচি ।

[পদ্মলোচনের দাড়ী ধরিয়। নৃত্য

আমি ফচকে ছুঁড়ি, ফুলের কুঁড়ি, মড়িপোড়ানীর বি
বিয়ের পরে বুড়ো ভাতারকে বাবা বলিচি ।

বিন্দু । (পদ্মলোচনের নাসিকার কীল মারিয়া) তুই কেন আমাকে
রিয়ে করেছিলি, তোর জন্যেই ত আমার এ ব্যাখ্যানা সহিতে হয় । থাক্
তোর বুড়ীকে নিয়ে, আমি বাপের বাড়ী যাই ।

[প্রস্থান ।

পদ্ম । বড় রাণি, তোমার জিত । তুমি হাজার হক আমার সময়ের
মাগ,—

বগ । তোমার আর গোড়া কেটে আগার জল দিতে হবে না ।

পদ্ম । আমি তোমাকে এক দিনও অমান্য করি না, তুমি যখন যা
চাও তাই দিচ্ছি, তোমার শ্রীচরণের চুট্কি হয়ে পড়ে আছি ।

বগ । তোমার আর ভাতারগিরি ফলাতে হবে না, তুমি ভাতারও
না, ভাতারের ভাও না ; ভাতার বলি ও বাড়ীর বটঠাকুরকে, বড় দিদির
আঁচল ধরে বেড়ায়—

পদ্ম । (গীত) আয় আমার অঞ্চলের নিধি,

আঁচল ধরে পিছে পিছে—

বগ । পোড়ারমুখ মরে যাও,—

পদ্ম । যশোদার নীলমণি যেমন,

ননী খেত নেচে নেচে ।

বগ । আমি পাগলও নই ছন্নও নই যে কথার কথার আমাকে ঠাট্টা
করবে ।

পদ্ম । সন্ধ্যা হল, এখনও স্নান হল না ।

[উভয়ের প্রস্থান ।

দ্বিতীয় গর্ভাঙ্ক ।

বেলডেকা—অভয়কুমারের ঘর ।

পদ্মালোচন এবং অভয়কুমারের প্রবেশ ।

অভ । লোকের উপর লোক, লোকের উপর লোক, আর না যাওয়া ভাল দেখার না, বিশেষ তোমার অশুরোধ, কাল যাব।—যাওয়া মাত্র, অধিক দিন সেখানে থাকতে হবে না ; মাগ গ্যাদার গদ গদ, স্বামী চাকর বাকরের সামিল, বাইরে থাকবেন স্থান নাই ; কাজেই চলে আসতে হবে ।

পদ্ম । জামাই-বারিক ।

অভ । জামাই-বারিকে রাত্তর দিন প্রেতকীর্তন হচ্ছে,—কেউ সখীস্বাদ গাচ্ছেন, কেউ পাঁচালীর ছড়া বলছেন, কেউ গাঁজা টিপছেন, কেউ গুলি খাচ্ছেন ।

পদ্ম । তুমিও ত গুলি খাও ।

অভ । জামাই-বারিকে বাস করতে গেলে গুলি খেতে হয় আর দাড়ী রাখতে হয় ।

পদ্ম । জামাই-বারিকটে আমার দেখা হয় নি ।

অভ । একটা বড় ঘর । জামাইবাবুরা শালা বাবুদের বৈটকখানার বসলে শালা বাবুদের লজ্জা বোধ হয়, তাই কর্তাবাবু বাড়ীর পাশে একটা বড় ঘর তৈরির করে দিয়েছেন, সব জামাইরা সেইখানে থাকে ; জামাই, ভাইঝি-জামাই, ভাগ্নী-জামাই, নাতজামাই, জামারের জামাই, সব সেই ঘরে থাকে ।

পদ্ম । এখন কতগুলি আছে ?

অভ । সাড়ে বারান্ন জন ।

পদ্ম । আবার আদপেলে কোথায় ?

অভ । চাপরাস-হারাগে জামাইগুলিকে আদ বলে গুণ্টি করে ।

পদ্ম । রাত্রিতে শোবার সরঞ্জাম আছে ?

অভ । আছে বই কি, তিন কুড়ি খাট আছে—দড়ী দিয়ে ছাওয়া ; তিন কুড়ি বালিশ আছে, তিন কুড়ি পাশ-বালিশ আছে ; সব জামাইদের

এক একটা ডাবা হাঁকো আছে, কলিকেও একটা করে ; তাঁমাক, টিকে, ঘাশুন এক কোণে থাকে, একজন চাকরের জিন্মা, তার হুকুম আছে তাঁমাক দেবে ; গাঁজা, গুলি, চরস নিজে নিজে সেজে ধাও ।

পদ্ম । ক দিন অন্তর বাড়ীর ভিতর যেতে পার ?

অভ । তিন দিন, চার দিন, কেউ কেউ হপ্তা, কেউ কেউ মাস, কেউ কেউ বৎসর ।

পদ্ম । কষ্ট বড় ।

অভ । কষ্টের চূড়ান্ত । যদি খাবার সংস্থান থাকে, তা হলে কি আর সেখানে বাই । বিশেষ, গুলিতে অভ্যাস করে পরাধীন হয়ে পড়িচি; জামাই-বারিকে অক্লেশে গুলির উপযুক্ত আহার মেলে ।

পদ্ম । তবে দাঙ্গাফেনাত আর করে। মা, মানিয়ে জুনিয়ে গিরে সেখানে থাক ।

অভ । আমার ত তাই ইচ্ছে, তা আমারে যে রাখে না ।

পদ্ম । কে ?

অভ । মাগ মনিব । এ বারে যদি কিছু অহঙ্কারের চিহ্ন দেখি, তা হলে তার মুখে নাতি মেরে বৃন্দাবনে চলে যাব ।

পদ্ম । ভায়া, আমাকে সঙ্গে নিও, আমি ডবোল মার্ আর খেতে পারি নে । আবাগীরে পালা উঠিয়ে দিচ্ছে ; এখন জোর বার বুলুক তার, টানাটানি করে যে নিতে পারে । আমি সন্ধ্যার পর এ বাড়ী ও বাড়ী বসে গল্প করি, তার পর রাত্ হুই প্রহর হলে বাড়ী বাই, হুই আবাগী ঘুমিয়ে থাকে, যার ঘরে ইচ্ছে তার ঘরে ঢুকি । ভেগে থাকলে শব্দ নিশব্দর বুদ্ধ হয় ।

অভ । দাদা, এখন রাত্ হয় নি, এখন বাড়ী গেলে তোমাকে কুকুর-মারা করবে ; এস হুই তাইতে গিরে আহার করি, তার পর রাত্ অধিক হলে বাড়ী বেও ।

পদ্ম । আচ্ছা তাই ।

তৃতীয় গর্ভাঙ্ক ।

বেগডাঙ্গা—পদ্মলোচনের দরদালান ।

বিন্দুবাসিনীর প্রবেশ ।

বিন্দু । (স্বগত) আজ্ভোর পর্য্যন্ত জেগে থাক্বে । অনেক রেতে বাড়ী আসেন, আর হুঠ করে বগীর ঘরে যান । আজ্ যেমন আস্বে, অমনি গলায় গাম্ছা দিয়ে ঘরে নিয়ে যাব ।—বগী আবাগী ঘুমিয়েচে, শাড়া-গুড়ি আর পাচ্চি নে । আমি দোর ভেজিয়ে দোরের আড়ালে দাঁড়িয়ে থাকি ।

[প্রস্থান ।

বগলার প্রবেশ ।

বগ । বিন্দী পোড়াকপালী ঘুমিয়েচে । আজ্ যেমন আস্বে, অমনি ঘরে নিয়ে যাব । একটু ফাঁক পায় আর বিন্দী আবাগীর ঘরে ঢোকে । আবাগী কি চালপড়া খাওয়ালে, আমার বুক থেকে মিন্ঘেরে যেন ছিঁড়ে নিলে । এখন ইচ্ছেয় ত আমার ঘরে যায় না, ধরে বেঁধে যত নে যেতে পারি ।—আমি ঘরে গিয়ে বসি ; যাই আস্বে আর গলায় আঁচল দিয়ে টেনে নিয়ে যাব ।

[প্রস্থান ।

চোরের প্রবেশ ।

চোর । এরা সব ঘুমিয়েচে, এই বেলা ভাল সন্ধ্যার সময় ।—বড় ঘরে ঢুকি ।

বিন্দুবাসিনীর প্রবেশ ।

বিন্দু । (চোরের গলায় গাম্ছা দিয়া কাঁটা মারতে মারতে) তবে রে পোড়ারমুখো ডাকরা, এই তোমার ভালবাসা, ভুলেও কি এক দিন আমার ঘরে যেতে নাই ; আমি ঘুমি পড়ি, আর উনি টপি টপি বড় রাণীর ঘরে যান ; বড় রাণীর হুদে বড় মিটি, ছোট রাণীর হুদে গোবরের

গন্ধ ।—মুখ ঢাকিস্ কেন ?—(নাসিকার উপরে কীল)—তোর আঙ্গু হয়েচে
কি, তোকে আমার বিছানায় শুইয়ে বড়ীর বাড়ী মাতা ভেঙ্গে দেব ।

বগলার প্রবেশ ।

বগ । (চোরের গলায় অঙ্কল দিয়া ঝাঁটা মারিতে মারিতে) বলি
ও পোড়ারবাঁদর, বেদে চোর, যাচ্চ কোথায়, এ দিকে এস, আমিও তোরা
মাগ, আমাকেও বিয়ে করিচিস্ ; ওকেও যেমন দেখিস্, আমাকেও তেমনি
দেখতে হয় । আমি ত তোরা মার পেটের বোন না যে আনার
বিছানায় শুলে তোমার সমন্বয় করতে হবে ? আয় ড্যাকরা ঘরে আয়,—
(পৃষ্ঠে কীল)—আয় ড্যাকরা ঘরে আয় ।—

[কীল ।

বিন্দু । আরে পোড়ারমুখ, কোথায় যাও ; আঙ্গু তোমারে যমে ধরেচে,
যমের হাত ছাড়াতে পারবে না ।—তবু যে যাস্, হ্যাঁ রা বেহায়া, বেইমান—
(ঝাঁটা প্রহার) । পোড়ারমুখে বাক্য হরে গিয়েচে, মৌনবতী হয়েচেন ।

[নাসিকার উপর কীল ।

বগ । ছোট রাণীর কীলগুণো বড় মিষ্টি, আর আমার কীলগুণো
তেত, তাই ছোট রাণীর দিকে ঢল্কে পড়্চ ।—পড়াচ্ছি তোমাকে, বটী
এনে তোমার নাক কেটে নিই ।

পয়লোচনের প্রবেশ ।

পয় । বাড়ীর ভিতর এত গোলমাল কেন রে ; ছু আবাগী কাটা-
কাটি করে মর্চিস্ নাকি ? মর্, আপদ্ ষাক্ । আমি বলি সুমিয়েচে,
বুম কোথা, বুনো মহিষের যুদ্ধ বাদিয়েচে ।

বগ, বিন্দু । (চোরকে ছাড়াইয়া) তবে এ কে ?

পয় । তোরা ভাতার গড়িয়ে বক্কা কচ্চিস্ না কি ?

বগ । এতকণ কোথায় ছিয়ে, | ন ঝাঁটাগুণো বুধা গেল, এমন
আরের কীলগুণো কাদেরপরচ হচ্ছে গোল

পদ্ম । তুই ব্যাটা কে রে ?

বিন্দু । চোর চুরি করতে এয়েচে, টিপি টিপি বগীর ঘরে যাচ্ছিল, আমি বলি তুমি যাচ্ছ, গলার গাম্ছা দিয়ে তাই মারতে লাগলেম, তার বগী এনে যোগ দিলে ।

পদ্ম । ওরে ব্যাটা সিঁদল চোর, আমার ঘরে এয়েচ চুরি কত্তে ; ঘের ঘরে যোগের বাশা রা হারামজাদা ।—চল্ ব্যাটা চল্, তোকে পুলিশে দেব,—

চোর । মশাই গো, পুলিশে দেবেন না, এক দিনের মার বাঁচিয়ে দেন ।

পদ্ম । তুই ব্যাটা চোর ত ?

চোর । আমি চোর, না তুমি চোর ।

পদ্ম । আমি চোর হলেম কিসে ?

চোর । তা নইলে রোজ রোজ সাত চোরের মার হজম কর কেমন করে ?

পদ্ম । এ কথা তুমি বলতে পার ।

চোর । আমি বিশ বছর চুরি কচ্ছি, এমন বিপদে কখন পড়িনি ; বাপ ! যেন চরুকি ঘুরিয়ে দিলে । জান্তেম, ভাল মানুষের মেয়েদের হাত মাকি ফুলের মত নরম ; ওমা ! কোথায় যাব, এনাদের হাত যেন কাল-পটা হাতুড়ি ।

পদ্ম । আচ্ছা বাপু, আমি নেকহারামি কত্তে চাই নে, তোমাকে ছেড়ে দিলেম, তুমি বাড়ী যাও ।

চোর । এঁরা আর এক চোট লেবেন ।

[প্রস্থান ।

পদ্ম । তোদের আলায় আমি কি দেশত্যাগী হব, তোরা চোরের সঙ্গে লড়াই দিস্, তোদের সাহস কি ; এই রাত্ বাঁ বাঁ কচ্চে, গ্রামের লোক নিষুতি, শাড়া শক্টি নাই, তোরা িনা এই রাতে চোর নিয়ে রণ বাধিয়ে-চিস ।—আমি আজ্ কারো ঘরে বা না, এই দরদালানে পড়ে থাকব ।

বিন্দু । বুঝিচি, তোমার কিকির আমি বুঝিচি ; আমি ধরে যাব, আর তুমি বগী আবাগীর ধরে ঢুকবে ।

পদ্ম । তুমি কেন আমার কাছে বসে থাক না ।

বগ । বগী আবাগী ভেসে যাক ।

পদ্ম । তুমি না ছর চৌকী দাও । [উপবেশন ।

বগ । আমার বেলা চৌকী দাও, বিন্দুর বেলা কাছে বস ।—
আ পোড়াকপালে একচকো, তোমার মুণ্ডুটো আজ ঝাঁটার গোড়া দিয়ে
গুঁড়ো কত্তেম, তা চোর ব্যাটা এসে সতীন হল ।—ছোট রাণি, আমার
কাছে বস, ছোট রাণি, আমার গার হাত বুলাও, ছোট রাণি, আমার অন্তর্জল
কর ।—পোড়ারমুখ, মরে যাও, ছোট রাণীর, কোল খালি হক । বলে

‘সুয়ো মেগের ষোল আনা, দুয়োর নামে নাই,

একচকো ভাতারের মুখে বাসি আকার ছাই ।’

বিন্দু । ভিক্ষা দাও গো ব্রজবাসী, রাধাকৃষ্ণ বল মন,

আমি বৃদ্ধ বেশ্যা তপস্বিনী, এইচি বৃন্দাবন ।

বগ । বিন্দু পোড়াকপালি, তুই আর কথা কস্ নে, পোড়ারমুখে

যদি বুঝতে পেরে থাকে, তাকে ত্যাগ করবে ;—ও ত চোর না, তোর
নাগর, তুই পোড়াকপালি বড় খেলরাড়, তুই নাগর বনে আন্লি, চোর
বলে ছাপালি,—

বিন্দু । ভিক্ষা দাও গো ব্রজবাসী, রাধাকৃষ্ণ বল মন,

আমি বৃদ্ধ বেশ্যা তপস্বিনী, এইচি বৃন্দাবন ।

বগ । কালামুখী কচিধুকী ছদ তুলচেন ; এতক্ষণ মন-চোরার গার
ছদ তুললেন, এখন ভাতারের গার ছদ তুলচেন,—

বিন্দু । ভিক্ষা দাও গো ব্রজবাসী, রাধাকৃষ্ণ বল মন,

আমি বৃদ্ধ বেশ্যা তপস্বিনী, এইচি বৃন্দাবন ।

বগ । আজ থেকে তুই আর ভাষা পাবি নে, আমি এই ভাতারের
কাছে বসলেন—(পদ্মলোচনের দর্শন । ষষ্ঠী উপবেশন) । একে বিক

খাইরে মার্ব, তবু তোকে দেব না।—তাতার বমকে দিতে পারি, তবু সতীনকে দিতে পারি নে।

বিন্দু। .তোর ভাগের দিকে তুই বসলি, তাতে কি আমি কথা কই; আমার ভাগ ছুঁবি ত ঝাঁটার বাড়ী খাবি,—

বগ। ছোঁব না ত কি তোকে ভয় কর্ব; এই ছুঁলেম—

[পদ্মলোচনের বাঁ পায় এক কীল।

বিন্দু। আমার পায় তুই এক কীল মারলি, আমি তোর পায় ছুই কীল মারি—

[পদ্মলোচনের ডান পায় দুই কীল।

বগ। তবে তোর পায় তিন কীল—

[বাঁ পায় তিন কীল।

বিন্দু। তোর পায় এই চার কীল—

[ডান পায় চার কীল।

বগ। বটে রা সর্কনাপি, তবে দেখবি নাকি কেমন করে তোকে রাঁড় করি—

[বটা লইয়া পদ্মলোচনের বাঁ পায় এক কোপ—প্রস্থান।

পদ্ম। পাটা একেবারে গিয়েচে, হু আঙ্গুল কোঁপ বসেচে, উখান-শক্তি রহিত।

বিন্দু। আহা! পোড়াকপালী মাচ-কোটা করে কেলেচে।—
এস; তোমার আমি টেনে বরের ভিতর নিয়ে বাই।

[উত্তরের প্রস্থান।

তৃতীয় অঙ্ক ।

প্রথম গর্ভাঙ্ক ।

কেশবপুর—জামাই-বারিক ।

চারিজন জামাই আসীন ।

প্রথম জা । (গাঁজা টিপিতে টিপিতে) আমি ভাই, আজ এক মাস^০ ডীর ভিতর যাই নি, প্রেরসী আমাকে ডাইভোস' করেন নাকি ।

দ্বিতীয় জা । (গাঁজা টিপিতে টিপিতে) হয়েছিল কি ?

প্রথম জা । বালসেছিলেন, তা আড়াই দিনে সেরে গিয়েচে; আজ ক মাস কুঁড়েপাতর লুস চেন, বরমা-পনির মত ছুটে বেড়াচ্ছেন; আমি ডীর ভিতর বেতে চাইলেই গিল্লী বলেন কাহিল ।

তৃতীয় জা । তোমার তবু একটা অছিল আছে, আমি আজ দশ দিন^০ মিলে মিলে বরমা গুণ্টি, আর তিনি স্তম্ভশরীরে খোসমেজাজে একা^০ টে গায়ে পড়েন । আমি পাঁচিকে রোজ বলি “পাঁচি, আমার নামের শিখানা কিম্বা^০ আমি আজ বাড়ীর ভিতর বাব” ; তা বলে “তোমার নামের পাশ দিতে চাই যাই”

দ্বিতীয় জা । (গাঁজা টিপিতে টিপিতে) ক^০ ধ্যে অনেক কাণ্ড করে গিয়েচে দেখাচ^০

চতুর্থ জা । গিল্লীর ঘরে । ঘাটের^০ তার তার নামের পাশ^০ ময় দিবে যার ।

দ্বিতীয় জা । (গাঁজা টিপিতে টিপিতে) ক^০ বো মাই

তৃতীয় জা । না ।

দ্বিতীয় জা । কোন দিন চোখ^০

তৃতীয় জা । আমি এক দিন বিনা পাশে বাবার চেঁটা করেছিলেম ;
মাজের দরজার দরওয়ান ব্যাটা পাশ দেখতে চাইলে, দেখাতে পাল্লেম
না, অর্ধচন্দ্র আহার করে ফিরে এলেম ।

প্রথম জা । (গাঁজা টিপিতে টিপিতে) সময় না হলে আর আমা-
দের দরকার হয় না ; আমরা যেন ভাই, কুক সাহেবের আড়গড়ার মেল-
গ্যাণ্ডার, ফিমেল্ গুস্,—

দ্বিতীয় জা । সাবাস্ দাদা, বেশ্ বলেচ ; কি বল্ ব গাঁজা টিপ্চি, তা
নইলে সেক্হ্যাণ্ড কস্তেম ;—নেজার মাইন, কেনি দাও । (কমুইতে
কমুইতে ঘর্ষণ) । শালাবাবুদের পাশ নাই ?

চতুর্থ জা ।—তাদের হল বাড়ী, তারা যখন মনে করে তখন বাড়ীর
ভিতর যায় ।—বউমাদের পাশ আছে বটে, তাঁদের কতকটা আমাদের দশা ।

তৃতীয় জা । সে ক দিন ? যে ক দিন খাঁড়া ধরতে না শেখে, তার
পর জোর করে কেলা দখল করে ।

দ্বিতীয় জা । (গাঁজা টানিরা গীত—বাউলে সুর, ভাল একতারা)

মার দম্ কসে দম্ গাঁজার কল্কে তুলে,

না খেয়ে রয়েছে আমার পেট্টা ফুলে ;

গাঁজা সেজে খাই, কত মজা পাই,

কেহ নাই মোর বাপের কুলে ।

অভাগা কপাল, কান্তা যেন কাল,

প্রহারে পয়জার ধরিয়ে চুলে ।

প্রথম জা । (গাঁজা টানিরা গীত—রাগ্ সিঙ্হু জঙ্গলা, ভাল খেমটা)

বল কি হবে মিছে ভাবিলে এখন,

ভাবিতে উচিত ছিল বিবাহ যখন ।

অষ্টরঙা বাপের বাড়ী হুবেলা চড়ে না হাঁড়ী,

ভাঙতে আমি খুশী-বাড়ী করি কাল যাপন ।

দ্বিতীয় জা । নিবারণকে ডাক না ভাই, সাতকাণ্ট রীমাণ শোনা
যাক ।

তৃতীয় জা । তারা ধোলা ছাতে গুলি খাচ্ছে ;—ঐ এয়েচে ।

পাঁচজন জামায়ের প্রবেশ ।

দ্বিতীয় জা । নিবারণ, একবার সাতকাণ্ট রীমাণটা শুনিয়ে দাও ।

পঞ্চম জা । ক্ষেতি কি বাবা, বেদি করে দাও ।

প্রথম জা । এই তোমার বেদি—

[একখানি খাটে গুটিকত লেপ পাতন ।

দ্বিতীয় জা । তবে বেদিতে আরোহণ কর ।

পঞ্চম জা । কিছু ভাল লাগ্চে না বাবা, নাগ মহাশয় রাগ করেচেন,
পাঁচ দিন পাশ পাই নি ।

দ্বিতীয় জা । নেভার মাইন, রীমাণ আরম্ভ করে দাও, আজ পাশ
পাবে ।

পঞ্চম জা । (বেদিতে উপবেশনানন্তর) এক নিখামে সাতকাণ্ট রীমা-
রণ বলা সাধারণ বিদ্যার কর্ম নয়, বাবা । তবে শোন।—ঐ যে রোজ
সকাল বেলা, অর্থাৎ ফামিনী বিগতা হলে, পূর্বদিকে, পরম্পর পঞ্চাঙ্গি
দুশাং, ভারি লাল, রক্তবর্ণ, হিন্দুলের মত, কাঁচা সোণার ন্যায়, একখান
চক্কে খাল উদয় হয়, ওটা সূর্য্য । তোমরা ভাব, ও ব্যাটা কেবল সকালে
উদয়, হয়ে সমস্ত দিন আপিসের কাজ চালিয়ে সন্ধ্যার সময় বাড়ী যায়,
এমন নয় ; ওর একটা বংশ আছে, তার নাম সূর্য্য-বংশ । বংশটা ভারি
বংশ, এখন নির্বংশ । এই সূর্য্যবংশে দশরথ নামে এক রাজা ছিল—
মহাবলপরাক্রম ভূধর মহীধর ধরাধর সাগর নাগর ডাগর রাজা । অন্য
মহলে রাণীর পাল ; পাগবাড়া রাণী, অর্থাৎ সকলেই বক্ষা, একটাক
পূর্ত হয় না ; বাঁকিতে হেলের তাঁজ ন ।

রাজা যোগ বক যোগ নৈমি । বাহুবল । কুশল । সাগরকর্ত

পক্ষমাদন কর্তৃক করেন, কিছুতেই রাণীদের গর্ভের সঞ্চার হল না। রাজা ভবে ভবে 'চিন্তাজরো মনুষ্যাণাং' ;—তখন কুক সাহেবের আড়গড়া হয় ন, কি উপায়ে বংশ রক্ষা করেন।

তৃতীয় জা। জামাই-বারিক ছিল না?

পঞ্চম জা। রাণীদের সঙ্গে জামাই-বারিকের ঝাণ্ডী সম্পর্ক, থাক-লই বা কি হত?—রাজা কিংকর্তব্য অনুষ্ঠা হয়ে খুব গ্যাটাগোটা অকাল-হ্যাণ্ড গোচ একজন ঋষিকে আনালেন, তার নাম রসশূঙ্গ। ঋষিবর যোগ মারস্ত করলেন।—বাবা, কার দ্বারা কি হয়, কে বলতে পারে ;—রসশূঙ্গ উপোবনে ফিরে না যেতে যেতে মহারাজের চার কুমার উত্তমাশা অন্ত-পীপের ন্যায় বিহার কতে লাগল। রাম, লক্ষ্মণ, ভরত, শত্রুঘ্ন। ছেলে গারটেকে গুরুমহাশয়ের পাঠশালে লিখতে দিলে। অল্প কালের মধ্যে ছেলেগুলো আমাদের শালাবাবুদের মত পদ্মপলাশলোচনবৎ ফুলে উঠল। পরীক্ষার দিন উপস্থিত ; রাজা কড়াংকতে আপামর সাধারণ পারিদর্শী, তাই নিজে জিজ্ঞাসা করবেন। রাম উপস্থিত ; রাজা জিজ্ঞাসা করেন 'পঞ্চাশ কড়া' ? রাম বলে "বার গণ্ডা ছ কড়া"। রাজা রামের গালে একটা প্রচণ্ড চড় মারিয়া বলেন "তোমার কিছু বিদ্যা হয় নি, তুই বনে যা"। লক্ষ্মণ উপস্থিত ;—"পঞ্চাশ কড়া ?" "সাত্বে বার গণ্ডা"। প্রচণ্ড চড় মারিয়া রাজা বলেন, "যা ব্যাটা, তুইও বনে যা"। ভরত শত্রুঘ্ন উপস্থিত ;—"পঞ্চাশ কড়া" ; দুইজনে একবারে বলে "পাঁচ গণ্ডা সাত কড়া"। রাজা একটু মুচ্কে হেসে বলেন "যা তোরা রাজা হগে"।

রামলক্ষ্মণ পিতৃ-আজ্ঞা-প্রতিপালনে পরাধু্য হওয়া নিতান্ত মুচংমতি বিবেচনার পঞ্চবটীর বনে উপসংহার করিয়া ডেরাডাণ্ডা কেন্দ্র। সেখানে সাওতালনন্দনদিগের সহিত হেঁড়ডুডু, নবীন তুড়কি, কপাটি কপাটি, ডাণ্ডা-গুলি খেলতে লাগলেন ; অল্প দিনের মধ্যে সুরেন্দ্র-শিখর-নিকর-পরাজিত দিগ্বিজয়ী বীর হয়ে উঠলেন। ইতিমধ্যে কিচকিন্দা-অধিপতি বালী রাজার জ্যেষ্ঠ পুত্রের পরিণয়-উপলক্ষে তাঁর বৈটকখানার নৃত্য করিবার জন্য এক জোড়া খ্যামটাওয়ালী উপস্থিত হয়। পাঁচ আরস্ত হয়েছে ; বালী

রাজা সিংহাসনে বক্রভাবে দীর্ঘ লাকুল উচ্চ করিয়া উপবিষ্ট ; দুই পাশে হুম্মান্, জাম্বুবান্, নল, নীল, গয়, গবাক্ষ প্রভৃতি লোমাচ্ছাদিত-উচ্চ-গুচ্ছধারী মহোদয়গণ চেয়ারে বেঞ্চে কোচে বিরাজ কছেন ; জরিব টুপি; মরেসা, শ্যামলা, কিংখাপের চাপকান, সাটিনের চায়না-কোটে বানরকুল ঝলমল । রাম লক্ষণ টিকিট পেয়েছিল ; তারাও সভায় উপস্থিত ।—বুনোদের সঙ্গে থেকে ছোঁড়া ছোটোর স্বভাব বিকড়ে গিয়েছিল । বালী রাজাকে বলে “খ্যামটাওয়ালী ছটোকে আমাদের দাও” ; বালী বলে “দেব না” ;—ঘোর যুদ্ধ ;—বালী রাজা বধ । খ্যামটাওয়ালী ছটোকে দু ভাইতে ভাগ করে নিলে ; যেটার নাম সীতা, সেটা নিলে রাম ; যেটার নাম সূর্ণগা, সেটা নিলে লক্ষণ ।

লক্ষণ সভার্যাত্রাস্তরে শুচি হইয়া পঞ্চবটীর বনে আগমন করে দেখেন সূর্ণগা মায়াবিনী রাক্ষসী, রাবণের ভগিনী । তৎক্ষণাৎ গজরাজবিনিম্বিত বারিদবৃন্দপরাজিত রজকরণন গর্দভবৎ চীৎকার শব্দ করলেন ; নয়ন দিয়া ক্রোধানল, হোমানল, দাবানল, বাড়বানল, বিরহানল, কামানল, বাহির হইতে লাগল ; বল্লেন পাপীয়সি, কালামুখি, কলঙ্কিনি, কুরঙ্গনয়নি, কালালিনি, তুমি দূর হও ; এই বলে তার নাক কাণ কেটে নিয়ে তাকে বিদায় করে দিলেন । লঙ্কার রাবণ রাজা শুনে তেলে-বেগুণে জ্বলে উঠল, ছল করে রামের সীতা হরণ করে নিয়ে গেল ; রাম বাতাহতকদলীবৎ মাতার হাত দিয়ে কাঁদতে লাগলেন ।

রামটা জ্যাঁবা গঙ্গারাম ; লকার বুদ্ধিতে ধর্জুর-কণ্টকবৎ তীক্ষ্ণ ; ছল বদ ছর্কল কল কৌশল তার সকলি হস্তগত ; বলে দাদা, তুই কাঁদিস্ কেন ? পাঁচ পরমার টিকে কিনে আন, আর পাঁচ বুড়ি পাকা কলা সংগ্রহ কর, আমি তোরা সীতা উদ্ধার করে দিচ্ছি । রাম তাই কল্লেন । লক্ষণ হুম্মান্দিগকে এক একটা কলা দিয়ে বশীভূত করে তাদের লেগে এক-এক-খান টিকে ধরিয়ে বেঁধে দিলে । তার পর বলে যাও সব লঙ্কার চালে গিয়ে বস । হুম্মানেরা কল পেয়েচেন, কলার কাজ না করে কৃতঘ্নতা কর,—হপ্ হপ করে লঙ্কার চালে বসল, আর লঙ্কা বন্ধ হয়ে গেল । রাবণ সবংশে নিগাত ; খেঁচ পাণ্ডন, পালাবার যো নাই ; লঙ্কা

ছার খার ; সীতা উদ্ধার । ইতি সাতকাণ্ট রামায়ণং সমাপ্তমিদং ।—এই
হচ্ছে রামায়ণ, তা বেদিতে বসেই বল আর চামর হাতে করেই বল ।

তৃতীয় জা । বান্দীকির সঙ্গে মেলে না ।

পঞ্চম জা । বেঙ্গিকের রামায়ণ বান্দীকির সঙ্গে মিলবে কেন ?
কিন্তু মূল এই ।

পাঁচজন জামায়ের প্রবেশ ।

চতুর্থ জা । বনমালী এয়েচে, এবারে পীরের গান হক্ ।

ষষ্ঠ জা । চারজন দোয়ার চাই ।

চতুর্থ জা । জামাই-বারিকে দোয়ারের ভাবনা নাই ।

ষষ্ঠ জা । (চামর মন্দিরা লইয়া চারজন জামায়ের সহিত গীত)

মাণিকপীর, ভবপারে যাবার লা,
জয়নাল ফকিরি নেলে ফেনি খালে না,

চারজন জা । মাণিকপীর—

ষষ্ঠ জা । আল্লা আল্লা বলরে ভাই, নবি কর সার,
মাজা ছুলিয়ে চলে যাবা ভবনদী পার ।

চারজন জা । মাণিকপীর—(ইত্যাদি ।)

ষষ্ঠ জা । শুন রে ভাই বিবরণ, লব দ্বারে আছে জীবন,

কখন যে পালাবে বল তে নাহি পারি ;

কোরাণেতে রয়েছে আছে, ছুমিয়েটা ক্যাবল মিছে,

খোদার নাম বিনে জান্বা সকলি বাক্কারি ।

ব্যানি বিকেলে ছুপহরে, জরু ছাবাল সাতে করে,

নামাজ পড় বা মনুড়া করে স্থির ;

মানিলোকের রাখবা ধর্ম, গরিব লোককে করবা দান,

দরগাহ গিয়ে করবা দেবা কীর ।

আপন গোণ্ডা বুকে লেবা, পরের গোণ্ডা পরকে দেবা,

বড়গোনা কেজিয়ে করা কাজিকো হায়রাণি ।

পীর প্যাগম্বর মাতায় ধরা, অঙ্ককারে দেখে তারা,

হুসিয়ার্ছে কাম্ কর্না ছোড়্কে সয়তানি ।

ঝট্‌বাৎমে না দেবা দেল্, সত্যেছে বানাবা এক্কেল,

ভক্তিভাবে কর্‌বা পূজো বাপ্ মার চরণ ।

গোনা বরাবর্ নাইকো বিষ, ভনে দ্বিজ গোলামনবিস্,

এই তো ধরম শাস্ত্রের লেখন ।

চারজন জা । মাণিকপীর—(ইত্যাদি ।)

ষষ্ঠ জা । সুবুদ্ধি গোয়ালার মেয়ের কুবুদ্ধি ঘটিল,

বেসালির ভিতর দুগ্ধু রেখে পীরকে ফাকি দিল ।

চারজন জা । মাণিকপীর—(ইত্যাদি ।)

ষষ্ঠ জা । কত কীর্ত্তি আছে রে ভাই, কওয়া নাইকো যায় ।

দেখ সাদির সমে দোলার বিবি ডুলি চেপে যায় ।

চারজন জা । মাণিকপীর—(ইত্যাদি ।)

ষষ্ঠ জা । ওরে, কদুকুম্‌ড়ো রাক্‌লে ফেলে, তুশ্চু নেরেলব্যাল,

আজগবি দুনিয়ার খেলা, সর্ষের মধ্য ত্যাল ।

চারজন জা । মাণিকপীর—(ইত্যাদি ।)

ষষ্ঠ জা । মুসলমানের মোল্লা রে ভাই, হাঁদুর মধ্য সাধু,

কদুকুম্‌ড়ো ছেড়ে দিয়ে আকির মধ্য মধু ।

চারজন জা । মাণিকপীর—(ইত্যাদি ।)

ষষ্ঠ জা । আসমানুতে ম্যাগে খেলা করে সিংহলাদ,

আর দিনের বেলায় সূর্য্য ওঠে রাতির বেলায় চাঁদ ।

চারজন জা । মানিকপীর—(ইত্যাদি ।)

ষষ্ঠ জা । পাহাড়ের প্রকাণ্ড হাতী, শিকলি বাঁধা পায়,
আর ঘরজামায়ে শশুরবাড়ী মেগের নাতি খায় ।

চারজন জা । মানিকপীর—(ইত্যাদি ।)

ষষ্ঠ জা । কত কেরামৎ জান রে বন্দা, কত কেরামৎ জান,
মাজদরিয়ায় ফেলে জাল ডেঙ্গায় বসে টান ।

চারজন জা । মানিকপীর—(ইত্যাদি ।)

ষষ্ঠ জা । দুর্গির ছাওয়াল কান্তিক রে ভাই, মোরগ চেপে যায়,
আর পূজো পালি বাঁজাবিবির ছাওয়াল করে দেয় ।

চারজন জা । মানিকপীর—(ইত্যাদি ।)

ষষ্ঠ জা । রাতির বেলায় ভূতির ডরে ডরিয়ে ওঠে ছেলে,
আর ছড়কো মেয়ে ঝম্কে ওঠে খসম কাছে এলে ।

চারজন জা । মানিকপীর—(ইত্যাদি ।)

তৃতীয় জা । বিরহ হবে না ?

দ্বিতীয় জা । হবে না তোমায় কে বলে ?

ষষ্ঠ জা । এই বার হবে ।—গেয়ে লাও তো ভাই ।

চারজন জা । মানিকপীর—(ইত্যাদি ।)

ষষ্ঠ জা । বিরহিনী বিবি আমার গো, বাঁদে নাকো চুল ।

কল্‌জেতে ফুটেচে কাঁটা পঞ্চবাণের ছল ।

চারজন জা । মানিকপীর—(ইত্যাদি ।)

ষষ্ঠ জা । সায়েরে গিয়েচে স্বামী, হাবলি আঁধার করে,
পরান জ্বলে গেছে বিবির কুকিলের চোকরে ।

চারজন জা । মানিকপীর—(ইত্যাদি ।)

ষষ্ঠ জা । মুখ ঘামেচে বুক ঘামেচে বিবির ভাসেযাচ্ছে হিয়ে,
খসম যদি থাকত কাছে রে পুঁচুত নুমান দিয়ে ।

চারজন জা । মাণিকপীর—(ইত্যাদি ।)

ষষ্ঠ জা । পিঁড়েয় বসে কাঁদেচে বিবি, ডুবি আঁথির জলে,
মোল্লারে ধরেচে ঠাসে, খসম খসম বলে ।

চারজন জা । মাণিকপীর—(ইত্যাদি ।)

ষষ্ঠ জা । ষাঁড়ের মাতায় শিং দিয়েচে, মান্বির মাতায় কেশ,
আল্লা আল্লা বল রে ভাই, পালা কল্লাম শেষ ।

চারজন জা । মাণিকপীর—(ইত্যাদি ।)

তৃতীয় জা । এ বারে পাঁচালী হক্ ।

পাঁচি এবং চারিজন দাসীর প্রবেশ ।

দ্বিতীয় জা । পাঁচালীতে আর কাজ নাই, এখন পাঁচির পাঁচালী
শোনা যাক্ ।

পাঁচি । আর সব কোথায় ?

প্রথম জা । খোলা ছাতে গুলি খাচ্ছে ।

পাঁচি । তোমাদের জল খাওয়াতে পারে আমি আপনার কাজে হাত
দিতে পারি । (দাসীদের প্রতি) ওগুনো ঐ খানে রাখ্ ।—তোমর হাতে কি ?

প্রথম দা । সন্দেশের হাঁড়া ।

পাঁচি । তোমর হাতে ?

দ্বিতীয় দা । চিনির পানার গামলা ।

পাঁচি । তোমর হাতে ?

তৃতীয় দা । হুদের গামলা ।

পাঁচি । তুই কি এনিচিস্ ?

চতুর্থ দা । সসা, কলা, পেয়ারা ।

পাঁচি । হুদের উড়কি এনিচিস্ ?

তৃতীয় দা । এই যে ।

পাঁচি । 'তুই এনিচিস্ ?

দ্বিতীয় দা । এই যে ।

দ্বিতীয় জা । পাঁচি, তোঁর নাম পাঁচি হল কেন রে ?

তৃতীয় জা । পাঁচির পাঁচ জন ছিল বলে ।

পাঁচি । এখন আর আমার পাঁচ জন নয় ।

তৃতীয় জা । ক জন ?

পাঁচি । এখন জামায়ের পাল ।

পঞ্চম জা । পাঁচি, তুমি জোপদী ।

পাঁচি । না, আমি কুস্তী, বিয়ে না হতে বাবুদের বাড়ী—

তরুণ-তপন-রূপে বিমোহিত-মন,
বিবাহ না হতে, কুস্তী অপিল যৌবন ।

পঞ্চম জা । পাঁচি, তোঁর পতন হয়েছে ।

পাঁচি । কোথায় ?

প্রথম জা । কুয়োর ভিতর ।

পঞ্চম জা । ঠাট্টা করো না বাবা, আমার দাদা রিফিউ লেখেন ।

প্রথম জা । তাঁর নাম কি ?

পঞ্চম জা । ভৌতারাম ভাট্ ।

প্রথম জা । যিনি বৈষ্ণব ছিলেন, তাঁর পর কল্মা কেটে কাজি
হয়েচেন ?

পঞ্চম জা । ভৌতারাম ভাট্কে বড় সাধারণ লোক জ্ঞান করে না ;
তাঁর রিফিউয়ের ভারি ধার,—

প্রথম জা । খানা কাটা যায় ?

পঞ্চম জা । তুমি মূর্খ, রিফিউয়ের "ধার" বুঝবে কি, পাঁচি বুঝেচে ।

পাঁচি । আঁশ বঁটা ।

পঞ্চম জা । পাঁচি, তোঁর পতন কি নি ?

পাঁচি । ভৌতারাম ভাটের চাখাকে ত হয় নি ।

তৃতীয় জা । আমার চকে ত নয় ।

পঞ্চম জা । ভোঁতারাম ভাট বলেন, কবিতা লেখার প্রণালী হচ্ছে
“তিন তিন দুই তিন তিন,” তোমার তিন তিন দুই চার হয়ে গিয়েছে ।

প্রথম জা । ওর যে বয়েস তিন তিন দুই সাত হতে পারে ।

পাঁচি । ভোঁতারাম ভাট বুঝি জামাই-বারিকে লেখা পড়া শিখেছিলেন ?

পঞ্চম জা । তোকে লেখা পড়া শেখালে কে ?

পাঁচি । কেন, আমার স্বামী ।

পঞ্চম জা । তোর স্বামী লেখা পড়া জানে ?

পাঁচি । তোমাদের চাউতে ভাল ।

পঞ্চম জা । পাঁচি, তুমি ষোড়শী, রূপসী, সরসী, বায়সী,—

পাঁচি । পোড়া কপাল আর কি, বায়সী যে কাক ।

পঞ্চম জা । কাকী ; “সী”র মিল কত্তে তোকে কাকী বলে ফেলিচি ।

দ্বিতীয় জা । পাঁচি, তুই এত গহনা পেলি কোথা ?

পাঁচি । জামাই-বারিকে ।

পঞ্চম জা । পাঁচি, তুমি আমাদের কমিসারি জেনারেল ; তুমি যে
প্রমদা-পরিমল-পিঙ্গল প্রণালীতে রসদ সরবরা কচ্চ, তুমি একটু গা-ঢাকা
হয়ে থেকে ।

পাঁচি । কেন গো ?

পঞ্চম জা । লুশাই এক্সপিডিসানে ধরে নিয়ে যাবে ।

পাঁচি । তাতে তোমাদের অধিক ভয় ।

পঞ্চম জা । কেন লো ?

পাঁচি । তারা বাঁধা-খেগো বয়েল ধচ্ছে ।

পঞ্চম জা । ভাল বলেচ পাঁচি ঠাকুরঝি ; আমি মরে যাই, তুমি
আমার সঙ্গে সহমরণে চল ।

পাঁচি । সহমরণে যে যাবার সেই যাবে ।—এখন তোমরা এক জায়গায়
থাবে, না আমার টানা-পড়েন কত্তে কি ?

ষষ্ঠ জা । আমরা সব খোলা জায়গায় থাকি ।

[দশজন জামায়ের প্রস্থান ।

প্রথম জা। পঁাচি, আমার পেট জলে উঠেচে, আমাকে এই খানে দে ।

[একখানি রেকাব আর দুটা বাটা লইয়া উপবেশন ।

পঁাচি। (দাসীদের প্রতি) তোরা এ দিকে আয়। (দুটা গোলা, চারখানি সসা কাটা, একটা খোসাফেলা পেয়ারা, এক উড়কি চিনির পানা, এক উড়কি ছদ প্রদান ।)

প্রথম জা। আর একটু ছদ দে, আজ বড় গুলি টেনিচি ।

[আহার ।

তৃতীয় জা। পঁাচি, আমার নামে পাশ বেরিয়েচে ?

পঁাচি। বলতে পারি নে, পাশগুলিন আমার আঁচলে বাঁধা আছে ।

দ্বিতীয় জা। আজ যে দেখি আঁচল-ভরা পাশ; বাবুদের বাড়ী শ্রাদ্ধ না কি, নইলে এত নাগা সন্ন্যাসীর আহ্বান কেন ?

তৃতীয় জা। পঁাচি, পাশগুলো পড়ে পড়ে আমার হাতে দে না ভাই ।

পঁাচি। (অঞ্চল হইতে পাশগুলিন খুলিয়া পঠনানস্তর প্রদান)

যতীন্দ্রমোহন, দিগম্বর, রাজেন্দ্রলাল, কিশোরীচাঁদ, কৃষ্ণদাস, দ্বারিকানাথ, সত্যেন্দ্রনাথ, অন্নদাপ্রসাদ, মনোমোহন, উমেশচন্দ্র, যুরলীধর, আশুতোষ, কালীমোহন, মোহিনীমোহন, হেমচন্দ্র জুনিয়ার, জগদ্বন্ধু, মহেন্দ্রলাল, প্যারিচরণ, ভূদেব, জগদীশ, গুরুচরণ, গৌরদাস, হেমচন্দ্র সীনিয়ার, রঙ্গলাল, বক্রিম,—

তৃতীয় জা। আমার নাম এখনও বেরুল না, কি সর্বনাশ!—আর কখন আছে ?

পঁাচি। একখান ।

তৃতীয় জা। পড় দেখি ।

পঁাচি। মৌলভি আব্দুল লতিফ ।

দ্বিতীয় জা। ও কার ?

তৃতীয় জা। ও ত ছোট জামায়ের, সে রাতদিন চস্মা চকে দেয় বলে তাকে আমরা আব্দুল লতিফ বলি।—পঁাচি, আমি আজ গলায় দড়ী দিয়ে যাব ।

অভয়কুমারের প্রবেশ ।

অভ । পাঁচি, আমার পাশ বেরিয়েচে ?

পাঁচি । তোমার পাশ হারিয়ে গিয়েচে ।

অভ । আমি তবে বাড়ীর ভিতর যেতে পাবনা ?

পাঁচি । বিবেচনার স্থল ।

অভ । তবে আমাকে পায়ে ধরে বাড়ী থেকে আন্লি কেন ?

দ্বিতীয় জা । সেখানে গর্ভযন্ত্রণা হয় বলে ।—আজ্ পাশ পেয়েচি
হাবা, আজ এক লাফে লক্ষা ডিঙ্গাতে পারি,—

হাবার মার প্রবেশ ।

হাবা । অভয় কোথায় ? তার জন্তে এই লেখন এনিচি ।

[অভয়ের গ্রহণ ।

পাঁচি । হাতে লেখা পাশ ।

দ্বিতীয় জা । কাঠের বেরাল হলে কি হয়, ইঁদুর ধন্তে পার্লিই হল ।

হাবা । বলে

‘নৌকা ডিঙ্গে চাই নে আমি, আজ্ঞে যদি পাই,

গঙ্গাজলে সাঁতার দিয়ে শ্বশুর বাড়ী যাই ।’

দ্বিতীয় জা । হাবার মা, একটা গান কর ।

হাবা । (গীত, রাগ সিদ্ধ কাপি, তাল খেমটা ।)

মনের মত নাগর যদি পাই,

প্রেমভোরেতে তারে আমার যৌবনে জড়াই,

মেতি আমলা দিয়ে চূলে, সাজিয়ে খোঁপা বকুলফুলে,

মুচকে হেসে, কাছে বসে, ছুবেলা তার মন যৌগাই ।

[নৃত্য ।

পাঁচি । তোমরা জলটল খাবে, না কেবল নাচ দেখবে ?

দ্বিতীয় জা । তুমি অগ্রসর হও, আমরা তোমার পশ্চাৎ পশ্চাৎ

বৎসরৎ ধাবমান হই ।

[সকলের প্রস্থান ।

দ্বিতীয় গর্ভাঙ্ক ।

কেশবপুর—কামিনীর শয়নঘর ।

কামিনী এবং হাবার মার প্রবেশ ।

কামি । হাবার মা, তার গায় ত গন্ধ কচ্ছে না? ও 'ষখন বাড়ী থেকে আসে, তখন ওর গায় বোট্কা বোট্কা গন্ধ হয় ।—বাড়ীতে খেতে পায় না, তেল মাখে না, নায় না, কামায় না ।

হাবা । তোর আর কথা শুনে বাঁচি নে; আমি দেখিচি, কেমন তেল মেখেচে, চুলগুলো যেন তেলে সঁতার দিচ্ছে ।

কামি । তবেই আমার মাতা খেয়েচে; বালিশের ওয়াড়গুলিন মল্লিকে ফুলের মত ধপ্ ধপ্ কচ্ছে, এক দিন শুলেই ক্ষিতি মেথরাণীকে ডাকতে হবে ।

হাবা । তুই যে ঠাকারের কথা কস্, তাইতে তোর ভাতার রাগ করে যায় ।

কামি । রাগ করে গেল, থাকতে ত পাল্লে না, তু করে ডাকতেই ত আবার এয়েচে ।

হাবা । রাত অনেক হয়েচে, তুই শো, আমি তারে ডেকে আনি ।

[প্রস্থান ।

কামি । (মুকুরের নিকট দাঁড়াইয়া আপন অঙ্গ দর্শন করিতে করিতে)

এ কি বাবার বিবেচনা,

দেশে কি বর মেলে না ;

স্মাওড়া গাছের কেলে সোণা,

গাজার খবর যোল আনা,

তারি হাতে এই ললনা ।

(মুকুরের সঙ্গীত চেষ্টায় উপবেশনানন্তর দীর্ঘ নিশ্বাস)

কেন বা বাঁদিমু চুলকি কেন মল্লিকার ফুল

ঘিরে দিমু বরীর গায় ;

মুক্তপুঞ্জ অলকায়, কেন দোলাইনু, হায় !
 কেন আলতা দিনু রাঙ্গা পায় ;
 কটিতটে চন্দ্রহার, মরি, মরি, কি বাহার।
 কিবা হার পয়োধরোপরে ;
 ছাঁচি পানে দিয়ে খর, রাঞ্জিয়াছি ওষ্ঠাধর ;
 মেদিপাতা দিচি পদ্য করে ;
 নীল নেত্র মনোহর, যেন ছুটী ইন্দীবর,
 যোগ-ভঙ্গ অপাস্কের নাম ;
 নবীন-যৌবন-ধন করে করি বিতরণ,
 পরিণেতা পোড়া বাজারাম ;
 ঘরজামায়ে অন্নদাস, পড়ে গুলি খাচ্ছে ঘাস,
 বার মাস করে জ্বালাতন ;
 এখনি নিকটে বসে, মাতা খাবে দাদ্ ঘসে,
 ফাটা পায় ছিঁড়িবে বসন ;
 থাকে যবে নিজ ঘরে, স্বহস্তে লাঙ্গল ধরে,
 মাতায় বিচালি বাঁধি আনে ;
 এমন চাসার কাছে, আমার কি স্ক ক আছে,
 কি আছে কপালে কেবা জানে ।

অভয় কুমারের প্রবেশ ।

অভ । কামিনি, এখন বে জেগে রয়েচ ?

কামি । টেবেলের উপর এক বোতল গোলাপজল আছে, ওটা সব
 তোমার গার চেলে দাও ; আতর ব্যাভেঙার মুখে রগ্‌ড়ে রগ্‌ড়ে মাখ
 তার পর আমার কাছে এস ।

অভ । আমি তা করব না ।

কামি । অন্য অন্য জামাইরা ত করে ।

অভ । তারা জামাই-বারিকের জাম্বুবান্, তাই করে ।—ও কথা-
গুলিন আমি ভাল বাসি না, ওতে আমার অপমান বোধ হয় । কামিনি,
তুমি এমন নির্দয় কেন ?

[কামিনীর চেয়ার ধারণ ।

কামি । (নাক টিপিয়া) ওঁরে ম্যাঁ গঁন্ধে মলুঁম, গঁন্ধে মলুঁম, গঁন্ধে মলুঁম,
গঁন্ধে মলুঁম ; কোঁথায় যাঁব, কি কঁর্ব, কেঁমন কঁরে রাঁত্ কাঁটাঁব ।—
গঁন্ধে মলুঁম, গঁন্ধে মলুঁম, ওঁরে ম্যাঁ গঁন্ধে মলুঁম,—

অভ । (চিৎ হইয়া পড়িয়া চীৎকার শব্দে) বাবা রে, মা রে, মলেম রে,
মেরে ফেল্লে রে, কোথায় যাব রে !—

কামি । দেখ, দেখ, হাড়াই ডোমাই হয়, বাড়ীর সকলে ওঠে ।

অভ । ওরে বাড়ীর লোক, তোমরা দৌড়ে এস, আমারে মেরে
ফেল্লে । বাবা রে, মা রে, মলেম রে, মেরে ফেল্লে রে !—

পাঁচি, হাবার মা, বোঁ, এবং পুরমহিলা-চতুর্কয়ের
প্রবেশ ।

হাবা । ওমা ! আমি কোথায় যাব, কি হল, অভয় আমার অমন
করে পড়ে কেন ? গৌঁ গৌঁ কচ্ছে যে ।

পাঁচি । ফুলদিদি, কি হয়েছে ?

কামি । হবে আবার কি ।

বউ । অভয়কুমার, তুমি চেঁচাচ্ছিলে কেন ?

অভ ! কামিনী আমায় দেখে নাক টিপে নাকি সুরে “ওঁরে ম্যাঁ, গঁন্ধে
মলুঁম, কোঁথায় যাঁব” বলতে লাগল, আমি ভাবলেম পেতনী ।

বউ । (কামিনীর প্রতি) পোড়ারমুখি, সব বোনগুলিন এক, গন্ধ
গন্ধ করে মরেন ; ওঁদের গায় পুঁর গন্ধ, আর ওঁদের ভাতাদের গায়
পচা নর্দমার গন্ধ । পোড়ারমুখীরে গন্ধ গন্ধ করে রোজ মিছেমিছি আদ

মন গোলাপজল নষ্ট করে ।—পাঁচি, দৌড়ে যা, ঠাকুরগণকে বল্গে, কোন ভয় নাই, অভয়কুমার ঘুমের ঘোরের ডরিয়ে উঠেছিল ।

[পাঁচির প্রশ্নান ।

হাবা । শুল বা কখন, ঘুমুল বা কখন, এই ত এল ।—ভূতের ওজা ডেকে বাছারে একবার ঝাড়িয়ে নাও, বোধ হয় পেতনীর দৃষ্টি হয়েছে,—

অভ । শুভদৃষ্টির সময় থেকে ।

হাবা । ইষ্টিদেবতার নাম কর ।

বউ । তুমি শীগ্গির মর ।

[কামিনী এবং অভয়কুমার ব্যতীত সকলের প্রশ্নান ।

অভ । হাবার মার কথা শুনি, ইষ্টিদেবতার নাম করি ।

কামি । পোড়ারমুখ, ছোট লোকের রীতির দোষ, অকারণ বউমার কাছে আমাকে লাঞ্ছনা খাওয়ালেন ; বউমাকে আমরা মায়ের মত মান্য করি, তার কাছে আমার এই চলাচলি ; কাল সকালে কত ব্যাখ্যানা সহিতে হবে ; কারো কাছে মুখ দেখাতে পারব না ; দাদা শুনে কি বলবেন, মাই বা কি ভাববেন ।

অভ । তুমিইত এর কারণ ।

কামি । আজ তোমারি এক দিন আর আমারি এক দিন, খাটে উঠবে আর ন-দিদির মত করব,—নাতি মেরে নাবিয়ে দেব ।

অভ । (দীর্ঘ নিশ্বাস) বটে—এত দূর !

কামি । চক রাক্ষ, মারবে না কি ?

অভ । গোয়ার হলে মাভেঁম ।—(দীর্ঘ নিশ্বাস)—কামিনি, আমি তোমার স্বামী ; কামিনি, আমি জনের মত বাই, তোমাকে একটা কথা বলে বাই ; তোমার কথায় আমার চক্ষু দিয়ে কখন জল পড়ে নি, আজ পড়ল,—

কামি । আমার মাতা খাও, গুণ করো না, খাটে এস ।

অভ । এ শরীরে আর না ।

[প্রশ্নান ।

কামি । কত বার অমন রাগ দেখিচি । (খট্টাঙ্গ উপরে চক্ষু মুদ্রিত
করিয়া শয়ন এবং ক্ষণকাল পরে খট্টাঙ্গে উপবেশন—দীর্ঘ নিশ্বাস) ঘুম ত
হয় না । (দীর্ঘ নিশ্বাস) আমি ত বিষম জ্বালায় পড়্লেম,—“আজ পড়্লেম”—
আমিও ত আর রাখতে পারি নে, আমারো “আজ পড়্লেম”—(রোদন) ।
“তারা জামাই-বারিকের জাম্বুবান”—“গোয়ার হলে মাত্তেম”—“আজ
পড়্লেম” ।—ওমা, কি করি, বুক যে ফেটে যায় !

পাঁচির প্রবেশ ।

পাঁচি । ফুলদিদি, তুমি এমন সর্কনাশ করেচ, জামাই বাবুকে নাতি
মেরেচ ; কর্তার কাছে জামাই বাবু কাঁদতে কাঁদতে বলেন ।

কামি । নাতি মেরেচি বলেচে ?

পাঁচি । নাতি মাত্তে চেয়েচ ।

কামি । বাবা কি বলেন ?

পাঁচি । কর্তামহাশয় গালে মুখে চড়াতে লাগলেন, আর বলেন
অমন মেয়ের আর মুখ-দর্শন করব না,—

কামি । অভয় কোথায় ?

পাঁচি । কর্তামহাশয় কত বলেন, তা তিনি শুনলেন না, রাগ করে
চলে গিয়েচেন ।

কামি । তবে আমাকে একখান খুর এনে দাও, আমি মেজদিদির
মত করি,—

পাঁচি । তুমি যাও কোথা ?

কামি । মেজদিদির কাছে ।

[উভয়ের প্রস্থান ।

চতুর্থ অঙ্ক ।

প্রথম গর্ভাঙ্ক ।

বৃন্দাবন—পদ্মলোচনের মঠ ।

অভয়কুমার এবং পদ্মলোচনের প্রবেশ ।

অভ । দাদা, আর ত হাত পুড়িয়ে খেতে পারি নে ; তুমি যদি অনুমতি দাও, আমি কণ্ঠীবদল করি ; আর কিছু করুক না করুক ছ বেলা ছটো রেঁধে ত দেবে ।

পদ্ম । হাত পোড়ান চলনা, স্ত্রীলোক নইলে থাকতে পার না তাই বল । তুমি এমনি মাগমুখো, আবার পদাঘাত ভোজন কত্তে দেশে যেতে চাও ।

অভ । পদাঘাত করে নি, কত্তে চেয়েছিল ।

পদ্ম । এই বার পেলো হবে ।

অভ । আমি ভাবছিলাম আর একটা পরীক্ষা করে দেখি ; যন্ত্র-বাড়ী যাই, যদি স্নেহ মমতা করে, তবে সংসারধর্ম করি ; কখন কখন তার স্বভাবটা বড় মিষ্টি হয় ; কিন্তু দাদা, গ্যাদা মনে হলে সেখানে আর যেতে ইচ্ছা করে না, চিরকাল এইরূপ বাবাজী হয়ে থাকতে ইচ্ছা করে ।

পদ্ম । আমি ত ভাই, বেশ আছি, এক বৎসর বৈষ্ণব হইচি, হাড়-গোড়গুলো যোড়া লেগেচে ।

অভ । না দাদা, যেতে আর মন সরে না ; আবার যদি পদাঘাতের পান্না পড়ে, তা হলে হাতেরও যাবে পাতেও যাবে, আবার কষ্ট করে বৃন্দাবনে আসতে হবে ।—আমার যদি প্রথম স্ত্রী থাকত, তা হলে আমি জামাই-বারিকে অশ্বের মত জলাঞ্জলি দিয়ে নিঃস্বাভীতে সংসারধর্ম কত্তেম ।

পদ্ম । মোক্ষা কথাটা, একটা মেয়েমানুষ চাই ।

অভ ।° ব্রজবাসিনীদের সন্ধান নিছিলে ?

পদ্ম । যাদের কেলিকদম্বের তলার দেখেছিলে ?

অভ । . এমন মুনোহর মাধুরী কখন দেখি নাই, যেমন রূপ তেমনি
রিচ্ছদ ; স্বভাব বতদূর নরম হতে হয় ;—নরম স্বভাব জীলোকের প্রধান
ষণ ।

পদ্ম । মাধব বৈরাগী বহুকাল বৃন্দাবনে আশ্রম করে আছেন ;
গনি নিত্যস্ত দৈন্য নন, তাঁর আশ্রমের চারিদিকে ফুলের বাগান, বাগানের
শান্তভাগে অতিথিশালা, সেখানে নিত্য সদাব্রত । তাঁর পূর্ববাস কলি-
গতার দক্ষিণ বারীপুর গ্রাম । তারা তাঁরি মেয়ে ।

অভ । চারিটাই ?

পদ্ম । বড়টী তাঁর বৈষ্ণবী, ছোট তিনটী তাঁর কন্যা ।

অভ । বড় মেয়েটাকে যদি আমায় দেয়, আমি কষ্টবদল করি ।

পদ্ম । আমার ইচ্ছা ছোট দুটীকে ষোড়া বিয়ে করি, বিয়ে করে
বৃন্দাবনে একবার শত্ৰুনিশত্ৰুর যুদ্ধ দেখি ।

অভ । ওদের যে নরম প্রকৃতি, ওরা বোধ করি সতীনের সঙ্গেও
ঝকড়া কতে পারে না ।—এমন নিটোল গোল গঠন কখন দেখি নাই ;
ওদের গায় গহনা দিলে কি শোভাই হয় ।

পদ্ম । মৃগালে সোণার তাগা পরালে যা হয় ।

অভ । দাদা, তুমি ওদের বাড়ী গিছিলে ?

পদ্ম । গিছিলেম । মাধব বৈরাগী পরম ধার্মিক, অতি মিষ্টস্বভাব ;
আমার অতিশয় আদর করেন, আর বলেন “বাবাজি, তুমি নূতন বৈষ্ণব,
তোমার বখন যে সাহায্য আবশ্যিক হয় আমাকে বলো” ।

অভ । এমন বাপ না হলে এমন মেয়ে জন্মায় ?—মেয়েরা তোমার
কাছে এসে ?

পদ্ম । আমি ও আর এখানে পদ্মীষয়ের পদাধিতাহারী পদ্মলোচন
বাবু নই যে তারা ভয় করবে ; আমি এখানে বৈষ্ণবচূড়ামণি পদ্ম বাবাজী ;
তারা নির্ভরে আমার কাছে বসে কথা কইতে লাগল ।

অভ। দাদা, আমি এক দিন যাব ?

পদ্ম। যে দিন ইচ্ছা ।

অভ। বড় মেয়েটা কথ। কইলে ?

পদ্ম। ছুটি একটি । বড় মেয়েটা বড় লজ্জাশীলা, ছোট ছুটি তত নয়, মাধবের বৈষ্ণবী ত রস-সরোবর, নাক দে মুক দে চক দে কথা কর ।

অভ। তিনি কি এদের মা ?

পদ্ম। এদের মা নাই, বৈষ্ণবীর সঙ্গে মাধব সম্প্রতি কষ্টবদল করেচেন ।

অভ। দাদা, তুমি বুন্দাবনে আছ তা কেউ জানে ?

পদ্ম। জনপ্রাণী না । আমি দেখলেম, দু সতীনে আমাকে ছেড়ে পরস্পর কাটাকাটি আরম্ভ করেলে, তাই কারো কিছু না বলে চলে এলেম । তবে বুন্দাবনে এসে আমার ভাইপোকে একখানি চিঠি লিখিচি, কিন্তু তাকে বারণ করে দিইচি আমার বৈষ্ণবশ্রম কেহ না জানতে পারে ।—তোমার কথা কেউ জানে ?

অভ। আমার আছে কে তা জানবে ?—দাদা, বৈষ্ণবীদের সঙ্গে কষ্টবদলের কথা হল ?

পদ্ম। তারা স্বয়ংরা হবে ।

অভ। তবে ত আমার আশা নাই ।

পদ্ম। তুমি এখন সাধু পুরুষ, এক দোষ ছিল গুলি, তা তুমি বৈষ্ণব হয়ে ছেড়ে দিয়েচ ; তোমার পেলে আর কারো নেবে না ।

অভ। তবে দেশের আশা ছেড়ে দিই ?

পদ্ম। ভাল করে বিবেচনা করা যাক ।

অভ। আর একবার দেখলে হত, কিন্তু অনেক কাঠ খড় ।—দাদা, তোমার পাচিকা এনে দিচ্চি, এই খানেই স্তরাভর ।

পদ্ম। আমি আহারের যোগাড় দেখি ।

অভ। আমি মাধবের আশ্রমে যাই ।

[উভয়ের প্রস্থান ।

দ্বিতীয় গর্ভাঙ্ক ।

বৃন্দাবন—মাধব বৈরাগীর আশ্রম ।

এক দিকে মাধব অপর দিকে পদলোচনের প্রবেশ ।

পদ্ম । দণ্ডবৎ বাবাজি ।

মাধ । দণ্ডবৎ বাবাজি ।

পদ্ম । বাবাজীর মঙ্গল ?

মাধ । রাধাকৃষ্ণের প্রসাদাৎ সকলি মঙ্গল ।—বাবাজী বসুন ।

পদ্ম । যে আজ্ঞা বাবাজি ।

মাধ । ছোট বাবাজীর স্বভাব অতিমিষ্ট, আমার বৈষ্ণবী এবং কন্যা তিনটি তাঁকে অতিশয় ভালবাসে । কণ্ঠবদলে সকলেরি মত হয়েছে, এখন আপনারা অমুগ্রহ করলেই হয় ।

বৈষ্ণবী-চতুষ্টয়ের প্রবেশ ।

পদ্ম । বাবাজি, আপনি বৈষ্ণব-কুলতিলক, বৃন্দাবন-ভূষণ ; আপনার স্বরস্বভাবা সুশীলা তনয়ার পাণিগ্রহণ করা সাধারণ শ্লাঘা নয় ; তবে একটা প্রতিবন্ধকতা ছিল ।

প্রথম বৈষ্ণ । কি বাবাজি ?

পদ্ম । অভয়কুমারের একটা স্ত্রী ছিল ।

প্রথম বৈষ্ণ । তা ত ছোট বাবাজী বলেচেন ; তার পায়ের এমনি জোর, ছোট বাবাজীকে এক পদাঘাতে বৃন্দাবনে ছুড়ে ফেলে দিয়েচে—

“দেহি পদ-পল্লবমুদারম্” ।

পদ্ম । আপনাদের ছোট বাবাজী অতিশয় স্ত্রৈণ, সেই পদাঘাত-প্রহারিণী প্রমদার কাছে পুনরায় গর্ভ করবার মনস্থ করেছিলেন ; বলেন প্রমদার উগ্রস্বভাব হক কিন্তু তার স্বয়ং মেহশূন্য ছিল না ।

প্রথম বৈষ্ণব । বাবাজি, তার মেহটা পারের দিকে অধিক নেবে পা
হুটো রসেছিল ।

মাধ । তবে তিনি আমার কন্টার সঙ্গে কষ্টবদলে মত্ দিলেন কেমন
করে ?

পদ্ম । সম্পূর্ণ মত্ দেন নাই ; তাঁর মনটা পারাণি নৌকার মত একবার
কশবপুর একবার বৃন্দাবন যাতায়াত কচ্ছিল ।

প্রথম বৈষ্ণব । কুঞ্জবনে বাজ্লে বাঁশী, ঘরে রয় না মন,
শ্যাম রাখি কি কুল রাখি, রাখা ভেবে উচাটন ।

দ্বিতীয় বৈষ্ণব । সে স্ত্রীর কাছে যাওয়াই স্থির করেচেন, বাবাজি ?

পদ্ম । থাকলে যেতেন ।

দ্বিতীয় বৈষ্ণব । সে স্ত্রীর কি হয়েছে ?

পদ্ম । এই লিপি পাঠ কর ; আমার ভ্রাতৃপুত্রের লিপি ।

প্রথম বৈষ্ণব । বাবাজি, অকুমতি করেন ত সমুদায় লিপিখানি পাঠ
করি ।

পদ্ম । স্বচ্ছন্দে ।

প্রথম বৈষ্ণব । (লিপিপাঠ)

*শ্রীচরণাঙ্কুজেষু

আপনার লিপি প্রাপ্ত হইলাম । জীবন থাকিতে আর গৃহে
প্রত্যাগমন করিবেন না, মনস্থ করিয়াছেন । আপনি ভবনমধ্যে
যে ভীষণদর্শন দর্শন করিয়া গৃহ পরিত্যাগ করিয়া গিয়াছেন,
তাহাতে প্রত্যাগমন কখনই মনোমধ্যে উদয় হইবার সম্ভাবনা
নাই । কিন্তু ঋনতাত মহাশয়, অবস্থার পরিবর্তনে স্বভাবের
পরিবর্তন হয় ; আপনি যদি খুড়ীমাদিগের হুরবস্থা একগে এক-
বার দর্শন করেন, আপনি দরার্জিচিহ্নে আবাসে আসিয়া বাস
করিবেন সন্দেহ নাই । যে ~~বনে~~ অহরহ কলহ-কোলাহলে
বায়স বসিতে পাইত না, সেই ভবন একগে শূন্যময়, নীরব,—
হুচিকাপতন শব্দ শ্রবণগোচর হয় । সর্বাচ্ছাদক-স্বামি-শোকে

স্বপ্নীযুগল বিগ্রহের চিরসন্ধি করিয়া অবিরল-বিগলিত-জলধারা-কুললোচনে গলাগলি হইয়া রোদন করিতেছেন ;—শীর্ণ কপোবর, মলিন বসন, দীন নেত্র, আলুলায়িত কেশ । ছোট খুড়ী রন্ধন করিয়া বড় খুড়ীকে খাওয়াইতেছেন, বড় খুড়ী রন্ধন করিয়া ছোট খুড়ীকে খাওয়াইতেছেন ;—একত্রে উপবেশন, একত্রে শয়ন, একত্রে রোদন ; দেখিলে বোধ হয় যেন দুই স্নেহভরা বিধবা সহোদরা ; কেবল “হা নাথ ! তুমি কোথায় গেলে !” বলিয়া বিষাদ-নিশ্বাস পরিত্যাগ করিতেছেন, আর বলিতেছেন “পাপীরসীর সম্পূর্ণ শাস্তি হইয়াছে, এক্ষণে তুমি বাড়ী এস, আর কলহ শুনিতে পাইবে না” । আমি ক্ষুদ্র বুদ্ধিতে যতদূর বুঝিতে পারি, বোধ হয় আপনি যদি ভবনে পুনরাগমন করেন, এক্ষণে আপনি সুখী হইবেন ।

অভয় কাকার স্ত্রী আত্মহত্যা করিয়াছেন । ইতি

সেবক

শ্রীনলিননিাথ রায় ।”

বাবাজি, ছোট বাবাজী স্ত্রৈণ, না আপনি স্ত্রৈণ, লিপি শুনে আপনার চক্ষু জল কেন ?

পদ্ম । লিপি শুনে তোমার ছোট বাবাজী গড়াগড়ি দিয়ে কেঁদেছেন, দু দিন বিছানা থেকে উঠেন নি । বলেন “আমি তার সেই রাগ রাগ মুখখানি আর দেখতে পাব না ।”—এমনি স্ত্রৈণ, দু দিন খেলে না ।

প্রথম বৈষ্ণব । তাবলেন, পদাঘাতের উপসংহার হল ।

দ্বিতীয় বৈষ্ণব । আপনি দেশে যাবেন ?

পদ্ম । চিটি পড়ে মনটা কেমন হয়েছে, আর না গিয়ে থাকতে পারি নে । অভয়কুমারকে তোমাদের এখানে রেখে, আমি দেশে যাই ।

প্রথম বৈষ্ণব । ছোট বাবাজী স্বরজামারে হবেন না কি ?

পদ্ম । ‘চেকি স্বর্গে গেলেও ধান তানে ।’

দ্বিতীয় বৈষ্ণব । এক্ষণে আর প্রতিবন্ধকতা নাই ?

পদ্ম । কিছুমাত্র না ।

মাধ। তবে দিন স্থির করুন।

পদ্ম। কথাবার্তা স্থির হক্।

মাধ। বৈষ্ণব ভিখারীর বিয়েতে কথা আর বার্তা।

প্রথম বৈষ্ণ। দেওয়া খোঁওয়ার বিষয়, বল্চেন ?

পদ্ম। সেও ত একটা কথা বটে ॥

প্রথম বৈষ্ণ। প্রভু।

মাধ। কি বল্চ বৈষ্ণবি ?

প্রথম বৈষ্ণ। একটা হীরার আংটি দেব।

মাধ। অবশ্য।

প্রথম বৈষ্ণ। আর মেয়েকে আটগাছি সোণার দমদম ॥

পদ্ম। তোমার মেয়ে, তুমি যা ইচ্ছে তাই দিতে পার।

প্রথম বৈষ্ণ। আপনি কেবল বরাভরণের বিষয়টা শুনতে চান। কলিকাতার মত করবেন না; ছেলে যদি একটু ভাল হল, রত্নগর্ভা জননী আঙ্গোট্ পাত পেতে বসলেন, ঘড়ী দাও, ছড়ী দাও, সাল দাও, ছেলেকে একটা সোণার লেজ গড়িয়ে দাও। এটা অতিমৌচ প্রবৃত্তি; মেয়ে যদি চকে লাগল, মেয়ের বাপের যেমন সঙ্গতি তেমনি নিয়ে বিয়ে কর।

মাধ। আমি দীন ছুঃখী, বরাভরণ কোথায় পাব।

প্রথম বৈষ্ণ। প্রভু।

মাধ। কি বল্চ বৈষ্ণবি ?

প্রথম বৈষ্ণ। আপনি ত তামাক খান না, আপনি যদি অহুমতি করেন, মল্লিক বাবুরা আপনাকে যে কর্ণসিটে দিলে গেছেন, সেটা বরাভরণ বলে দিই।

মাধ। বৈষ্ণবীর ইচ্ছে আর কৃষ্ণের ইচ্ছে, আমার তাতে সম্পূর্ণ ইচ্ছে

প্রথম বৈষ্ণ। বাবাজি, আপনারা কিছূদেবেন না ?

পদ্ম। ছোট বাবাজী অনেক বরাভরণ পেয়েছিলেন, কিন্তু সঙ্গে কিছূ নাই।

প্রথম বৈষ্ণ। থাক্বের মধ্যে ভুগুদ-চিহ্ন।

পদ্ম । একছড়া সোণার গোট আছে তাই দেবেন ।

মাধ । অদ্য রাত্রিতে শুভ কর্ম সম্পন্ন করা যাক্ ।

পদ্ম । আচ্ছা বাবাজি ।

[সকলের প্রস্থান ।

তৃতীয় গর্ভাঙ্ক ।

বৃন্দাবন—পদ্মলোচনের মঠ—অভয়কুমারের শয়নঘর ।

পদ্মলোচন এবং অভয় কুমারের প্রবেশ ।

পদ্ম । ভায়া, তোমার বৈষ্ণবী রান্নাঘর আলোময় করে ফেলেচেন, বাহার কি মধুর স্বভাব ! যখন আমাদের পরিবেশন করতে লাগলেন, হাত-খানি অন্নপূর্ণার হাতের মত দেখাতে লাগল ।—‘বক্তার মাগা মরে, কন্নরক্তার ঘোড়া মরে’, তা তোমাতেই ফল ।

অভ । আহারটা হল কেমন ?

পদ্ম । পরিপাকি ।

অভ । বৈষ্ণবীর সেট্ হাও ।

পদ্ম । মাধব বৈরাগীর অভ বড় আশ্রমের সমুদায় রান্না তোমার বৈষ্ণবীর জিন্মা ছিল ।

অভ । দাদা, বৈষ্ণবীকে দিয়ে একদিন পাঁটা রাখা যাক্ ।

পদ্ম । তুমি কোন্ দিন মজাবে । বৈষ্ণবশ্রেষ্ঠ মাধব বাবাজীর কন্না ; তাঁরাকে অমন কথা কখন বলো না ; কষ্টীবদলের ডাইভোস আছে ।

অভ । মন জেনে তবে বল্বে ; আমি এখনো বৈষ্ণবীর সঙ্গে কথা কই নি, তার মুখ দেখি নি ।

পদ্ম । তোমার বিছানার যে বড় বাহার, গদির উপর সূচনি পাতা, বাজি-আড়ং ;—দানে পেলে না কি ?

অভ। তা নইলে আর কোথায় পাব, দাদা ।

পদ্ম। আমি প্রস্থান করি, বৈষ্ণবী এখনি তামাক দিতে আসবেন ।

[প্রস্থান ।

অভ। (স্বগত) লালাবাবুদের মন্দিরের মুহুরিগিরিতে গ্রহণ কন্তে হল, তা নইলে বৈষ্ণবীকে স্মৃধে রাখতে পারব না ।—বৈষ্ণবী আমার নন্দনীর নবনলিনী; ইচ্ছা প্রকাশ না কন্তে সম্পাদন করেন; সার্থক বৃন্দাবনে এসেছিলাম ।

[শয়ন ।

সটকায় ফুঁ দিতে দিতে বৈষ্ণবীর প্রবেশ এবং সটকার
নল ধীরে ধীরে অভয়কুমারের মুখে দিয়া বিছা-
নায় বসিয়া অভয়কুমারের পদসেবন ।

বৈষ্ণবি, তুমি আহার কর গে, আমি নিদ্রা যাই ।

[ধূমপান ।

বৈষ্ণ। যতক্ষণ আপনার নিদ্রা না আসে, আমি ততক্ষণ আপনার পদসেবা করব, আপনার নিদ্রা এলে আমি রান্নাঘরে যাব, হাঁড়ী তুলে এসিচি, হেনশেল পেড়ে এসিচি ।

অভ। বৈষ্ণবি, তুমি আহার কর গে, পদসেবার কিছুমাত্র প্রয়োজন হয় নি ।

বৈষ্ণ। আমাদের আশ্রমের পুস্তকে পড়িচি, নারায়ণ ভোজন করে শয়ন করলে লক্ষ্মী পদসেবা কন্তেন ।

অভ। বৈষ্ণবি, আমি তোমার মধুর বচনে মোহিত হলেম, তুমি মুখ তুলে আমার সঙ্গে কথা কও ।

বৈষ্ণ। (দীর্ঘ নিশ্বাস) মা! (অভয়কুমারের চরণযুগল বকে ধারণ-পূর্বক চূষন—বৈষ্ণবীর চক্কের জল চরণে পতন ।)

অভ। বৈষ্ণবি, তুমি কাঁদচ ?

বৈষ্ণ। (মুখ তুলিয়া) আমার ছটা বাসনা ছিল ।

অভ। বল, আমি প্রাণ দিয়ে সম্পাদন করব ।

বৈষ্ণ। এক বাসনা—তোমার পা ছুখানি বকে করে চূষন করব, আর এক বাসনা—স্বহস্তে তামাক সেজে এই ফর্সিতে তোমাকে খাওয়াব ।

অভ । (এক দৃষ্টে বৈষ্ণবীর মুখ নিরীক্ষণ করিয়া) কেন ?

বৈষ্ণ । নাথ, আমি তোমার পাতকিনী কামিনী ।

[মুচ্ছিতা হইয়া পতন ।

অভ । আমার কামিনী,—কামিনীর এই ছুরবস্থা—(কামিনীর মস্তক উদ্ধতে ধারণ করিয়া জলপ্রদান) কামিনি, কামিনি ।—আমার সেই কামিনী এমন হয়েছে, চেনা যায় না ।—কামিনি, কামিনি কথা কও ॥

বৈষ্ণ । নাথ, আমাকে পাপীয়সী বলে যদি গ্রহণ না কর, আমার আর আশ্রয় নাই ; আমার যা বাসনা ছিল, তা আজ সফল করিচি । আমি আজ ছ মাস তোমার অশ্রুধে বেড়াচ্ছি ;—বাপ মুখ দেখেন না, ম মুখ দেখেন না, দাদা কথা কন না, ভেজেরা গঞ্জনা দেন ।—আমি কোথা যাই, আমার কে আছে ।—দেখলেম, সকল আবদার স্বামীর কাছে ।—আমি তোমার অশ্রুধে বেরুলেম ।

অভ । কামিনি, তুমি আর কেঁদ না ; আমি তোমারি ; আমি অতি নিষ্ঠুরের ন্যায় ব্যবহার করিচি ।

বৈষ্ণ । নাথ, আমিই তার মূল.—

অভ । কামিনি, তুমি আমার জন্যে এত কষ্ট করবে জানলে আমি কখন বৃন্দাবনে আসতাম না ।

বৈষ্ণ । তোমার জন্যে কষ্ট করব না ত কার জন্যে কষ্ট করব ।—সেই পাপ রাত্রিতে তোমার চক্ষে জল দেখলেম ; তুমি বলে “আজ পড়ল,” আমার হৃদয় বিদীর্ণ হয়ে গেল । সেই রাতে আশ্রয়ভাঙ্গি হচ্ছিলে, তা পাঁচি হতে দিলে না । যদি সে রাতে তোমাকে পেতেম, আমি তোমার পা হুথানি জড়িয়ে ধরে রাগ নিবারণ কতাম ।

অভ । কামিনি, সে রাতের কথা তুমি আজও মনে করে রেখেচ ?

বৈষ্ণ । সে রাত্রি আমার কালরাত্রি ; স্বামী-হারা হলেম ।—সে রাত্রি আমার গুডরাত্রি ; স্বামীর মর্মে জ্বালিলেম । (উপবেশনানন্তর অভয়-কুমারের হস্ত ধরিয়া) নাথ, আমি কামিনীর বেশে তিথারিণী বৈষ্ণবী সন্ন্যাসিনীর সঙ্গে সঙ্গে তোমার মুখখানি দেখলে বলে কত দেশে গেলোম ।

আজ্জ আমার পরিশ্রম সফল হল ; এখন তুমি পাতকিনীকে ক্ষমা কর, আমি তোমাকে একবার “অভয়” বলে ডাকি ।

অভ । কামিনি, তুমি পাপের অধিক প্রায়শ্চিত্ত করেচ । তোমার ক্লেশ দেখে আমি যারপরনাই প্রাণে বাথা পাচ্ছি ; তুমি শাস্ত হও, আমি আর তোমার কাছ ছাড়া হব না । [মুখচুম্বন ।

বৈষ্ণ । অভয়, তুমি এই ফরসিটীতে তামাক খেতে ভালবাসতে, আমি তাই উটী বড় যত্ন করে রেখিচি ।

অভ । কামিনি, তোমার স্নেহের সীমা নাই ।

বৈষ্ণ । অভয়, তুমি ঘরে এসে আপনি তামাক সেজে খেতে, আর আমি খাসগ্যাদারি কোচে বসে থাকতাম । এখন ভাবি, কেন আমি দৌড়ে গিয়ে তোমার হাত থেকে কল্কে কেড়ে নিয়ে তামাক সেজে দিতাম না, আর আঁচল দিয়ে তোমার হাতটা মুছিয়ে দিতাম না ।—এখন আমি রোজ তোমাকে তামাক সেজে দেব ।

অভ । আমি কল্কে কেড়ে নেব । কামিনি, তুমি আমার আদর-মাথা কামিনী, তোমাকে কি আমি আর কিছু কষ্ট কত্তে দেব ।

বৈষ্ণ । অভয়, তোমাকে আমি দেশে নিয়ে যাব, আর এখানে থাকতে দেব না ।

অভ । দেশে যাব, কিন্তু জামাই-বারিকে আর যাব না ।

বৈষ্ণ । সেখানে যাবে কেন, আমি যে বিষয় পেরেচি তাই নিয়ে তোমার বাড়ীতে বাস করুব ; আর যদি তোমার ইচ্ছা হয়, এখানেই তোমার পদসেবা করুব, বৈষ্ণবীর বেশ আর ত্যাগ করুব না ।

অভ । বড় বৈষ্ণবীটা কে ?

বৈষ্ণ । ময়রা দিদি ।

অভ । মাইরি ?

বৈষ্ণ । ময়রা দিদিই ত আমার নিয়ে এল, ওর কল্যাণেই ত তোমাকে পেলেম ।

অভ । তোমরা বুঝি মাধব বৈরাগীর আশ্রমে এসে উঠেছিলে ?

বৈষ্ণব । মাধব বৈরাগী কে বুঝতে পাচ্চ না ?

অভ । না ।

বৈষ্ণব । ও'য়ে আমাদের ময়রা বুড়ে ।

অভ । বল কি ? শাল্য এমন বৈরাগী স্নেহেতে কিছুমাত্র চেনা যাচ্ছে ।—ছোট বৈষ্ণবী ছুটা ?

বৈষ্ণব । ব্রজদালা ।

ভবী ময়রাণীর প্রবেশ ।

ভবী । ছোট বাবাজি, দণ্ডবৎ ।

বৈষ্ণব । পোড়ারমুখী রক্ত নিয়েই আছেন ।

ভবী । ছোট বাবাজি, দণ্ডবৎ ।

অভ । রসে যে রসে পড়্চ ; শালীকে বৈষ্ণবীর বেশে এমন স্নান থাকিল ।

ভবী । তবু ত আমার কণ্ঠী কঠে দিলে না ।

অভ । তুমি যে খাণ্ডী ।

ভবী । বৃন্দাবনের নাড়ী ভুড়ি,
দিদি খাণ্ডী খাণ্ডী,
দেড় কুড়িতে এক কুড়ি,
বড়াই বুড়ী নবীন ছুঁড়ী,
চেনা যায় না বামন গুঁড়ি,
বৈষ্ণব ঠাকুরাণ মাগ্ৰী খুড়ী,
খেয়ে বেড়াছেন তপ্ত মুড়ী,
মাগ্গি বেলোয়ারির চুড়ী,
কণ্ঠীবদল ঝুড়ি ঝুড়ি ।

অভ । ময়রা দিদি, মাধব বৈরাগী তোমার কে ?

ভবী । ভেকের ডাতার ।

অভ। ভেকের ভাতার কেমন ?

ভবী। হৃদয়-কঠোর কৃষ্ণধন।

অভ। কামিনীর আমি কি ?

ভবী। দাদার মতন ভাতারটী। [হাস্য।

বৈষ্ণ। পোড়ার মুখ, হেসে গেলেন একেবারে।

অভ। ময়রা দিদি, তোমরা এলে কেমন করে ?

ভবী। নাত্জামাই,—খুড়ি,—ছোট বাবাজি দণ্ডবৎ।

বৈষ্ণ। আবার রঙ্গ।

ভবী। নাত্জামাই, তুমি ত ভাই, সেই রেতে চলে এলে।—সকালে বাবুদের বাড়ী লোক ধরে না; আমি তাড়াতাড়ি কামিনীর ঘরে গেলেম, দেখি কামিনীর এক চক্রে শত ধারা, কামিনীর সেই অহঙ্কার-প্রফুল্ল মুখখানি এতটুকু হয়ে গেছে। কামিনীর স্নেহের স্রোত অহঙ্কার-পাহাড় আটকে ছিল, ক্রমে স্রোত প্রবল হয়ে পাহাড় ভেদ করে বহিতে লাগল; কামিনী কারো সঙ্গে কথা কয় না, কেবল আমার গলা ধরে বলে “ময়রা দিদি, আমি কলঙ্কিনী হইচি, সতীর সর্বস্বধন স্বামীর অবমাননা করিচি।”—ঐ দেখ, কামিনীর ডাগর চক সাগর হয়ে উঠল।—কেন দিদি, আর কাঁদ কেন, যার জন্যে কান্না, তাকে ত পেয়েচ।

বৈষ্ণ। ময়রা দিদি, তুমিও যে কাঁদে ভাই।

অভ। তার পর ?

ভবী। কামিনী নার না, খায় না, পরে না, চুল বাঁধে না, কেবল কাঁদে আর বলে আপনার সর্বনাশ আপনি কর্লেম। পূজার সময় পাঁচ মেয়েতে নতুন কাপড় পরে আমোদ কত্তে লাগল, কামিনী একাকিনী একখানি ময়লা কাপড় পরে ঘরের মেজের বনে কাঁদে; আমি কাঁদে গেলেম, বলে “ময়রা দিদি, আমার খাওয়া পরা যুচে গেছে, আমার স্বামী উদ্দেশ নাই।”—ঐ দেখ, কামিনী আবার কাঁদল, আমি ভাই, ইতি করি।

বৈষ্ণ। বল না, অভয় শুন্তে চাচ্ছে।

অভ। তোমরা বেরুলে কবে ?

ভবী । তোমার অনুসন্ধানে দেশ দেশান্তরে লোক গেল, সকলেই নিরাশ হয়ে ফিরে এল ; দাওয়ানজী তোমাকে জামালপুরের ষ্টেশনে ধরে-ছিলেন, তা তুমি বলে " যে বাড়ীতে স্ত্রী স্বামীকে নাতি মারে, সে বাড়ীতে আমি আর যাব না ।" ক্রমশঃ তোমার আশা সকলেই ছেড়ে দিলে, কেবল একজন ছাড়লে না ; তোমার নাম আর কিছুতেই রইল না, কেবল কামিনীর স্বদয়ে । কামিনী এক দিন আনাকে বলে " অন্য কেউ তাকে আনতে পারবে না, আমি গেলে আনতে পারি, আমি পতির অবেষণে যাব স্থির করিচি, তোমাকে আমার সঙ্গে যেতে হবে" । আমি ময়রা বুড়োর কাছে উপস্থিত হলেম, বল্লেম " ময়রা বুড়া, তুমি কার ?" সে বলে " আগে ছিলেম কামিনীর, এখন তোমার ।"

বৈষ্ণব । পোড়ার মুখ, মরে যাও ।

ভবী । আমি বল্লেম তবে পাত্ দত্ তোল, আমার সঙ্গে তীর্থে যেতে হবে । সে অমনি কাপড় চোপড় পরে মাতার পাগড়ি 'ঙ'টী হয়ে আমাদের সেত হয়ে চলল । দেশে সোরং হল, কামিনী ময়রা বুড়োর সঙ্গে বেরিয়ে গিয়েচে ।

অন্ত । শালার মাতার টাক্ দেখলে আমাদেরি বেকুতে ইচ্ছে করে ।

ভবী । তোমার বাড়ীতে গেলেম, ভাঁ ভোঁ, কেউ কোথাও নাই । সে খানে এক নূতন বিপদ উপস্থিত ;—তোমার সেই ভান্সা ঘরের মেজের পড়ে কামিনীর আচড়াপিচ্ড়ি করে কন্ন, বলে "এতদিন সোণার খাঁচায় ছিলেম আজ আমি নিজ বাড়ীতে এলেম, এই ভান্সা ঘর আমার সোণার কষ্টালিকা ; ময়রা দিদি, তুই যা, আমি এই ভিটের পড়ে থাকি, অভয় শুন্দলে আমাকে গ্রহণ করবে ।"

অন্ত । ময়রা দিদি, এ বারে আমি কাঁদলেম ; কামিনী আমার জন্যে এত কষ্ট করেচেন ।

ভবী । তার পর ভাই আমি কল কৌশলে পন্ন বাবাজীর ভাইপোর কাছে আনলেম তুমি বন্দাবনে পন্ন বাবাজীর মঠে আছে । 'ময়রের সাধন কিংবা শরীর-পাতন' মনচোরার অনুসন্ধানে বিনোদিনীকে সঙ্গে লয়ে বাহ

দোলাতে দোলাতে কুম্ভাবনে এগেম। তার পরে কেলিকদম্বলতার বন-
মালীর প্রথম দর্শন; পূর্বরাগ অর্থাৎ পদাঘাত-স্বরগ; বিনোদিনীর বৈষ্ণবীর
বেশ; মাধব বৈরাগীর আশ্রম; স্মৃতি সকলমঙ্গলালয়; লগ্নপত্র; কলী-
বদল; মিলন। ইতি পতি উদ্ধার পালা শেষ।

অভ। রাম করেন সীতা উদ্ধার, কামিনী করেন পতি উদ্ধার।

বৈষ্ণ। ময়রা দিদি আমার প্রধান সহায়, ওরে এক ছড়া মুক্তার
মালা দেব।

ভবী। তোর তাতারের গলায় দে, সাজবে ভাল।—কামিনি, তোর
মুখে আজ্ হাসি দেখে আমার প্রাণ ছুড়াল।

[বৈষ্ণবীর প্রস্থান।

অভ। পদ্মবাবু আস্‌ছেন।

পদ্মলোচনের প্রবেশ।

পদ্ম। তোমার স্বপ্নর এসেছেন।

অভ। মাধব বৈরাগী ?

পদ্ম। বিজয়বল্লভ।

অভ। কোথায় আছেন ?

পদ্ম। মাধব বৈরাগীর সঙ্গে এখানে আস্‌ছেন।—মিন্বে “কামিনি
কামিনি” বলে মাধবের গলা ধরে কাঁদে; কামিনী পতি উদ্ধার করেছে
শুনে আনন্দের সীমা নাই, মাধবকে বোল ভরির সোণার হার পারিতোষিক
দিরেছেন।

ভবী। রক্তের টান, রাগ করে কি থাকতে পারেন, ছুটে বেরিয়েছেন।

পদ্ম। উনি কে, আমাদের বৈষ্ণব ঠাকুরগণ না ?

ভবী। দণ্ডবৎ বাবাজি।

অভ। উনি আমার দাদা হন।

ভবী। নাত্‌জামায়ের ভাই,

শালা বলে কতি নাই।

জামাই-বারিক ।

[ভুক্ত]

পদ্ম । মমরা দিদি, সব করে ঘটক বিদায় কলেনা ।

ভবী । ঘটক বিদায় দেব ।

পদ্ম । কি ?

ভবী । ছোট মেগের হাতে রূপ-বাঁধান শতমুখী ।

পদ্ম । তাদের আর সে ভাব নাই ।—এঁরা আস্চেন ।

ভবী । আমি যাই ।

[প্রস্থান ।

পদ্ম । ভায়া, আমি হোসাদের সঙ্গে দেশে যাব ।

অভ । তোমাকে কি আমি রেখে যাই ।

বিজয় বল্লভ, মাধব বৈরাগী এবং কামিনীর প্রবেশ ।

বিজ । (কামিনীর হস্ত ধরিয়া) বাবা অভয়, তুমি আমার কামিনীকে কমা করে ত ?

অভ । মহাশয়, কামিনী সাবিজী অপেক্ষাও সাধবী, কামিনীকে আমি সম্পূর্ণ রূপে কমা করিচি ।

বিজ । তবে আর বিলম্বের প্রয়োজন নাই, দেশে চল ।

মাধ । এখন আমার আশ্রমে চলুন ।

বিজ । তোমার আশ্রমে আজ মোজুব ।

[সকলের প্রস্থান ।

(অবসান)

